

MPINGO NA KAWIRO KAKE

 Nthenda yambura kusangika bweka ya mwana kuti timukumbukire chomenechomene mlenji uwu mu kuromba, mwantheura ise nadi tikukhumba kuti tose tichite icho. Madokotala ntha nanga ghakumanya. Iwo wakuyipa iyi mtundu unyake wa zina, kweni ine nkughanaghana kuti iwo wakapanga waka limoza kuti wapereke ku iyi, iwo—iwo ntha wakamanya kasi iyi yikawa vichi. Ndipo, kweni Khristu wakumanya kasi iyi ndi vichi. Ine ningamanya kumuphalirani imwe kasi iyi ndi vichi, iyi ndi devulu, uwo mbunenesko, devulu. Zina ilo iwo wakukhumba kuti wamupe iyo, chifukwa, icho chiri kwa iwo. Kweni icho ndicho iyo wali, wonani, mzimu uheni. Sono tiyeni, tose pamoza, tose pamoza sono, *Gomezgani*, waliyose wayimbe nkhanira mwakukwezga, sono.

Gomezgani, gomezgani,
Vinthu vyose ndi vyamachitiko, gomezgani;
Gomezgani, gomezgani,
Vinthu vyose ndi vyamachitiko, gomezgani...

² Fumu yikuchizgenge iwe, mlongosi. Tiyeni timurombere msungwana sono apo ise tikusindamiska mitu yithu.

³ Wadada withu Wakuchanya, chikuwoneka kuti ine nkutondeka kufumyamo ichi mu malingaliro ghane. Msungwana muchoko kula, uyu wakufwa, iyo ndi wakutemweka wa munyake. Iyo ndi chilengiwa Chinu, ndipo Satana wakumuphangang iyo umoyo wake wa wanichi. Ine nkhuromba icho mu Zina la Khristu kuti Imwe mukanizgenge woko la nyifwa, kumuchimbiza murwani yura. Imwe, Fumu, Imwe mungamanya kupanga Nyanja Yiswesi kuti yipange chipupa lwandi ziwiri, na kupereka ku wana wa Israel, chiharo Chinu, ulendo uweme kuyambuka nyanja na kunjira mu charu chaphangano. Chiuta, ise tikuromba muhanyauno kuti Imwe musezgerenge kunyuma chakutchinga chirichose na kumuzomerezga mwana kukhala wamoyo. Ichi chiri kuperekeka kwa ise kuti tirombe. Ndipo, ngati gulu la wantru kugomezganga mwa Imwe, ise tikuromba mu Zina la Yesu ku kuchizgika kwa mwana. Amen.

⁴ Muanyauno ndiri na mtima wakuwonga kuti ine—ine ndafikaso kwa imwe mu Zina la Fumu Yesu. Ine ndafika kunyumba mwakuchererako pachoko kufuma ku Louisiana. Nangughanaghana kuti panyake usange ine ningafika kuno panyake pambere lindafike la Sabata ine ningamanya kuwa na Sande sukulu. Ndipo nttheura mphepo zikawa zakotcha chomene kula, mwakuti ise...uku kungamanya kuwa kwakuporako, kwakuzizima mlenji uwu kulekana na ku

Louisiana. Imwe ntha mungakhala mu nyumba ngati ntheura kwambura chakukupizgira mphepo, mu Louisiana, umu muŵe vyakuzizimiskira mphepo panji imwe mukomokenge.

⁵ Ndipo ntheura ine ndafika mwakuti ine ningâwa na zuâwa limoza-panji-ghawiri ghakupumura pambere nindafumeko sono nthena, kuruta ku Kumpoto kwa Saskatchewan, sabata yikwiza, ndipo uko ndi kumtunda ku Prince Albert. Uko ndi kufika uko misewu ya charu yikufika, kufuma ku chigaâwa chinyake. Uwu ukujumpha ulendo wose pa charu kwambura misewu yinyakeso, ndipo kulijeso âwanyake kweni Wamwenye na âwa Eskimos wâli kuwerera mkatî kujumpha uko ise tikuruta nyengo iyi. Ntheura ise tiri na wânthu wânanidi wazamkuwapo pa ungano uwu kufuma kosekose mu Canada. Wanyake âwa iwo âwafikenge kufuma nkhanira mu Mphaka za Kuzambwe, iwo wâkutî, wâkwiza. Ndipo ine nkukhumbisika chomene malurombo gha mwâwanthu imwe, kuti Chiuta wazamkukumana nase na kutipa ise mwakujumphizga, mwauzali, ungano ukuru ku uchindami Wake. Ichi ndi pafupifupi virimika vinyake vinayi panji vinkhonde kufuma apo ine nkhaâwa mu Canada. Ndipo ine ndiri na âwabwezi âwaweme chomene kula, awo ndi wânthu âwaweme chomene.

⁶ Ndipo ntheura iwo mbakugomezgeka chomene kuruta ku tchalitchi. Kwali uku kuzizime uli, iwo wajivungirizgenge mu bulangeti na kukhala pa bobsled, na kwendeska hachi mitunda sate, kuti wakafike ku tchalitchi. Iwo wâyendenge kujumpha mu malo gha chiwuvi na chinyake chirichose, wânichi na wâlara. Iwo wose wâkuwungana pamoza. Ndipo banja limoza likutora linyake ndipo iwo wâkuyamba kuyenda, ndipo iwo wâkuruta. Ichi ndi—ichi ndi kujiperekâ uko iwo wâkupanga ndiko kukuwapangiska iwo kuti wâpokere vinandi ntheura kufuma mu chisopo. Para palije kujiperekâ, ntha pakuâwa vinandi chomene mukupindura ku chisopo. Imwe nadi mukwenera kusimikizga na kuchita chinyake icho chikupweteka chomene, mukwenera kuti musezgere kumphepete vinthu vinyake na kuleka mlimo, na kuchita *ichi* panji *icho*, kuti munyamuke kuruta ku tchalitchi na kumuwareska Chiuta kuti imwe mukumutemwa Iyo, ndipo imwe mukupanga kujiperekâ kuti murute, ndi penepapo imwe mukusanga chinyake kufuma ku ichi.

⁷ Ichi chiri ngati waka wâna wâne. Billy Paul, ine nangughanaghana ine ndi...Ine ntha nkhapokape chirichose para ine nkhaâwa mwanichi. Amama wâkatemwanga kutora panyake thumba limoza la switi ndipo iwo wâkachitanga kupima ichi, ziwiri panji zitatu kwa waliyose. Panyake pa Khrisimasi ise tikapokeranga chitoliro cha chibekete panji futi yichoko yachidole, panji chinyake. Ndipo ine nkawona wâna âwanyake wâli na vidole vyâ magalimoto na njinga na vinthu, malaya ghaweme na majeketi ghakufunda. Ndipo ine—

ine, ichi chikandipangiska waka ine kupulika uheni chomene, ine nkhati, "Usange ine ndizamkuwa na wana wāndamwene, ine ndizamkuwachitira chirichose iwo icho ine ningafiska." Inya, ine ningatemwa kuti ine nikhale na njara kuti ndīwagulire chinyake wana wane. Ndipo para ine nkakhala umoyo... Para Billy wakawā waka mnyamata muchoko, ine nkhamugulira iyo kagalimoto kachoko kamatayala ghatatu, ndipo ine nkhamugulira iyo chirichose. Ndipo Meda wakayezganga chirichose, kupereka malaya ghake yekha na vinthu, kuti wamugulire iyo chinyake. Kweni kasi imwe mukumanya icho ise tikayamba kusanga? Ine nkhamugulira iyo kagalimoto kachoko kamatayala ghatatu, na uta uchoko na mupaliro, na chirichose. Ine mbwenu nkhumusanga iyo wali na a—spuni panji kakhuni, kuwaro uko mu baraza, wakujima kumalo kunyake. Mukuwona? Ine nkhati, "Wanyake wābabikenge ntha wazamkuwa ngati ntēura." Mukuwona? Imwe mukumupa waka munyake chirichose nkhanira pa mawoko ghawo, iwo wākuchikhumba chara ichi. Ichi ndi chinyake icho imwe mukwenera kuti muchifukafukire!

⁸ Ndipo umo ndimo chiponosko chiliri. Ichi ndi kujipereka kwakukwanira. Ichi ndicho, M'bale Roy. Ichi ndi—ichi ndi kujipereka uko imwe mukwenera kuchita zuwa lirilose, chinyake kuti—kuti musenderere kufupi kwa Chiuta na kuchita chinyake. Ndipo ine nkhumanya ichi ndi kujipereka kwa imwe mose mlenji uwu, mwakhala mu nyumba iyi yakotcha. Apo ise takhala muno, tiyeni tiwike malingaliro ghithu pa Sembe yikuru chomene iyo mtundu wa wantru ukapika kuti uchite, yura wakawā Yesu Khristu para Iyo wakalangurika kuti wafike ku charu chapasi kuzakafwa m'malo mwa ise. Ntha apo pera, kwensi uzima Wake ukakhirira ku gehena ndipo wakawā kula mazuwa ghatatu na mausiku, ndipo pa zuwa lachitatu Iyo wakawuka, ndipo sono wali kukwera kuchanya, wakukhala ku woko lamaryero la Chiuta, Kuchanya, kupanga maŵeyerero pa kuzomerezga kwananga kwithu kwa mphepisko Yake na wezi Wake uwo uli kuperekeka kwa ise.

⁹ Sono kumtunda mu...kumtunda kula uko ise tikuruta, kwamkuwa wantru wanandi, wākavu chomene, wākavu chomene, wāchitenge kuguriska yimoza ya ng'ombe zawo, ziwiri panji zitatu za mberere zawo, panji chinyake, kuti wāfike ku ungano. Wa Eskimo mulara panji wāchitenge kunya mura vinyake vyā vikumba vyake na kuviguriska ivyo, ivyo iyo wakavikhumbiranga chomene banja lake, kuti wafike. Mwenye wabizinesi wakwenera kuchita chantheuraso. Sono, ise tingamanya kuwarombera wantru wāra, tingachita chara ise? Ndipo ise tikuromba kuti Chiuta wāwapenye iwo chinthu chikuru.

¹⁰ Sono, uku kwawotcha, ine nkukhumba chara kumusungani imwe nyengo yitali. Ndipo ine nkukhumba kuti ise mlenji

uwu tilunjike malingaliro ghithu, pambere ise tindawé waka na lurombo lwa ḫarwari, pa *Mpingo Na Kāwiro Kake*. Ndipo, sono, ine nkhuwona kuti mazuwa ghachoko ghajumpha kuti Uthenga ku mpingo ukaperekka kwa ine pa Shreveport, Louisiana, ndipo ine—ine nkhusomezga ichi ndi kaŵiro ka mpingo. Ndipo ise tikumanenge na Chiuta na ichi mlenji uwu, na kupemphera na kumuromba Chiuta kuti wativwire ise. Ntha mungakhumbanga kuti muzakatore kachitiro kenekala, kweni rombani Chiuta kuti wativwire ise mu nyengo iyi umo ise tikukhala. Ndipo pambere waka... Ili ndi Baibolo lakale lakuzirwa, kweni nkhanira mkatı mwenemula mwagona vinthu vya Umoyo Wamuyirayira.

¹¹ Ndipo kumbukirani, Mazgu ndi Chiuta, Chiuta ntha ndi mukuru kuruska Mazgu Ghake. Ndipo ise ntha ndise ḫakuru kuruska mazgu ghithu, ndipo usange ise tapanga... Nkhumanya, sono, imwe na ine mu kuyima kwakulekana... mamanyiro, tose ise tingamanya—ise tingamanya kuyowoya, “O, ine ndichitenge chinthu chakuti,” ise tikung’anamura icho mu mtima withu, kweni vyakuchitika vingamanya kubamuka kuti ise ntha—ise ntha tichitenge icho ise tikayowoya kuti ise tichitenge. Kweni Chiuta wangachita chara icho, chifukwa Iyo ndi wambura mphaka ndipo Iyo wakumanya chirichose, ndipo chirichose icho chikawako kale, chizamkuwako, panji... Ntheura, Iyo ntha wangayowoya chinthu pekhapekha Iyo wakumanya kuti Iyo wangamanya kukhozgera ichi.

¹² Ndipo Abraham, para iyo wakawa na virimika handiredi, iyo wakachema vinthu vira ivyo ntha vikawapo, ngati kuti ivi vikawapo. Sono ine nkuyowoya ichi ngati chilimbikisko kwa iwo awo tiwapemphererenge, ḫarwari. Abraham wakachema vinthu ivyo ntha vikawapo, ngati kuti ivi vikawapo, kutoranga kuti Iyo Uyo wakapanga phangano wakaŵa wamagomezgeko kuchita, panji, kusunga icho Iyo wakalayizga. Sono, para Chiuta wakati wamuphalira Abraham, para iyo wakaŵa sikisi...sevente-fayivi, ndipo Sara wakaŵa sikisite-fayivi, kuti iwo ḫazamkuwa na mwana, chifukwa, icho chose chikawawa chambura machitiko. Ndipo iyo wakagomezga icho ndipo wakalindizga mwana, ndipo wakatora mwana mwakufikapo ngati kuti iyo wakawako kula, kukwana virimika twenty-fayivi pambere mwana wakaŵa wandafike. Ndipo Abraham wakaŵa handiredi para mwana wakababika, ndipo Sara wakaŵa nayinte, chifukwa iyo wakamugomezga Iyo. Ndipo iyo wakachema vinthu ivyo ntha vikawapo, ngati kuti ivi vikawapo.

¹³ Sono, icho ntcha ku ḫarwari na ḫakukomwa awo ḫakwenera kupempherereka. Palije kanthu kwali masuzgo ghako ndi vichi, kwali iwe ndiwe...mtundu wa matenda iwe uli nagho, kwali iwe ndiwe mukavu chomene uli, para iwe wamuzomera Khristu, Mazgu Ghake, ntheura iwe ukuchema vinthu ivyo viripo, ngati kuti ivi vikawapo chara, usange ivi

ndi vyakususkana na Mazgu gha Chiuta. Sono, Chiuta wakati, "Lurombo lwa chipulikano liponoskenge murwari." Inya, usange Chiuta wakayowoya ntheura, ichi mbwenu kwamara. Ntheura tiyeni tiwike malingaliro ghithu, vigomezgo, na kuchita ngati kuti ichi chachitika kale. Icho chamalizgika kale para ise tachizomera ichi.

¹⁴ Chiponosko ndi ntheura pera. Ise tikugomezga ichi, tikuzomera ichi, tikugomezga ichi mu mtima withu, tikwenda kuruta panthazi pa Chiuta na kumuzomera Khristu ngati Muponoski withu tawene, ndipo tikumuzomera Iyo. Usange imwe muli muno mlenji uwu, ndipo wakwananga, ndipo mundaponoskeke, ndipo imwe mukukhumba kuchizgika, imwe mwarwara, chakudanga penjani Fumu. Muzomereni Iyo ngati Muponoski winu, ntheura nthenda iyo yimarenge. Chirichose kwali ntchivichi, wikaní waka kughanaghana kwinu kose (ku chirichose imwe muli nacho) pa Munthu wakufikapo, Khristu Yesu, chinyake chirichose chiwenge makora.

¹⁵ Ntheura sono wikaní malingaliro ghinu pa icho, chifukwa icho ine nanguyowoyerá mazgu ghachoko agho ku wantru awo mbarwari na wakukomwa, ntheura kuti ine ndiyowoyenge ku mpingo mlenji uwu na kawiro. Pakuti ine nkhuwona kuti nangauli machirisko Ghauzimu ngwaweme, kweni para ine nkhwá mu Shreveport, ine nkhwá waka na visopo vitatu pera vya machirisko kuwaro para ine nkhwá kusika kula, vitatu, panyake vinayi, pa unandi chomene, pa mazuwa eleveni. Ichi ntchakuzirwa chomene kupharazga ku mauzima gha wantru kuruska kuwika nyengo yikuru chomene pa machirisko Ghauzimu. Nangauli, wantru awo mbarwari na wakusówerwa, Chiuta wangamanya kuwachizga iwo. Ndipo ichi chiri kukhozgeka kale charu chose, kuti Iyo wakuchita. Kweni chinthu cheneko, sono, ndi ku uzima uwo ntha uzamkufwa. Thupi lifwenge. Kweni uzima uzamkufwa chara, ndipo ise tikwenera kusunga mlingo uwo na kuwa wakunyoroka na Chiuta.

¹⁶ Ine nyengo zinandi ndiri kuyowoya ichi. Ine nkukhumba ndichite chirichose, pakuti para ine nkufika ku mronga kusika kula mlenji ula, ine nkukhumba suzgo lirilose chara kula. Ine nkukhumba kuti ndiwe na tikiti mu woko lane, kulindizganga zina lane. Ndipo ine nkukhumba kuyowoya, ngati Paulos wakale, M'bale Creech, "Ine nkhumumanya Iyo mu nkongono ya chiwuka Chake." Kuti para Iyo wakuchema kufuma pakati pa wakufwa, ine ndizamkuwuka... Ine nkukhumba kuti ndimumanyé Iyo mu nkongono ya chiwuka Chake.

¹⁷ Ntheura, sono, Iyo ndi Chata wa Buku, tiyeni tisindamiske mitu yitu na mitima kwa Iyo kanyengo waka.

¹⁸ Ndipo, Chiuta, Dada withu, ise tikwiza kwa Imwe sono, kumuombani kuti Imwe mujurenge Mazgu Ghinu kwa ise.

Ise tingamanya kujura mapeji, kweni Mzimu Mutuŵa wekha pera wangamanya kujura Mazgu. Ntheura jurani Ili kwa ise mlenji uwu, Wadada, ndipo mutipe ise uzari wakutalurizga wa wezi Winu. Ise tikulindizga kwa Imwe. Ndipo tikuromba kuti Mzimu Mutuŵa wanjire mu Mazgu, ndipo wakachipereke Ichi kwizira mu milomo ya munthu kufika ku mitima ya wanþhu, ndipo tikuromba kuti Iyo watore Ichi na kuŵika Ichi mu mtima uliwose umo ise tikusôwekera. Ndipo para visopo vyamara, ise tiri âwakunozgeka kuwerera ku nyumba zithu, ise mwakujikhizga tisindamiskenge mitu yithu na kumuwongani Imwe na kumurumbani, pa vyose ivyo ise tasambira kwa Imwe na icho Imwe mwatichitira ise. Mu Zina la Khristu ise tikuromba iichi. Amen.

¹⁹ Kuŵazga kwa Mazgu, uko mu Yohane Mutuŵa, chipatulo 1, imwe mwaŵeneimwe muli na Mabaibolo ndipo mukukhumba kuti muŵazge pamoza nane panji lembani iichi kuŵa makani. Ndipo ise tiŵazgenge makani kufuma mu Mazgu, ndipo ntheura tiyeni tirombe, ndipo kuti Mzimu Mutuŵa watorenge fundo kufuma mu Mazgu na kupereka kwa ise. Ise tingamanya kuŵazga Ichi, ise taŵeneise tikumanya kuŵazga tingamanya kuŵazga Ichi, kweni Chiuta pera wangamanya kutoramo fundo. Makani ghangamanya kuŵazgika, chifukwa Ichi ndi Mazgu Ghake, kweni ntheura a—fundo yikwenera kuperekeka na Chiuta. Sono, mu Yohane Mutuŵa, chipatulo 1, ndipo tiyeni tiyambire vesi 28 ndipo tiŵazge kukhirira ku la 32, ghose.

*Vinthu ivi vikachitika . . . ? . . . kusirya kwa Jordan, uko
Yohane wakabapatizanga.*

*. . . machero ghanyake Yohane wakumuwona
Yesu wakwiza kwa iyo, ndipo wakati, Wonani
Mwanamberere wa Chiuta, uyo wakuwuskako
zakwananga za charu.*

*Ndipo uyu ndi iyo za uyo ine nkhayowoya,
Pamanyuma pa ine kukwiza munthu uyo
ngwapachanya kwa ine: pakuti iyo wakaŵako pambere
ine nindaŵeko.*

*Ndipo ine nkhamumanya chara iyo: kweni iyo . . .
kweni kuti iyo wakayenera kuŵa . . . wakawonekera
kwa Israel, ipo ine ndafika kubapatizanga na maji.*

*. . . Yohane wakachitira ukaboni, kuti, ine nkawona
Mzimu ukwikha kufuma kuchanya ngati nkhunda,
ndipo uwu ukadeka pa iyo.*

Ine nkhukhumba kuti ndiŵazgeso icho, vesi laumaliro ilo, vesi 32.

*Ndipo Yohane wakachitira ukaboni, kuti, ine
nkawona Mzimu ukwikha kufuma kuchanya ngati
nkhunda, ndipo uwu ukadeka pa iyo.*

²⁰ Sono nkhuromba Fumu yisazgireko vitumbiko Vyake ku Mazgu. Ine nkhukhumba imwe kuti muyezge kuti—kuti mupulike lizgu lirilose usange ise tingafiska. Kasi imwe mukundipulika makora ine kunyuma nkhanira uko? Viri makora, kasi imwe mukundipulika ine kunyuma uko? Usange imwe mukupulika, imwe kwezgani muchanya woko linu. Icho ntchiweme.

²¹ Sono, ine nkhukhumba kuti ndiyowoye kwa imwe mlenji uwu pa—pa ntharika, pa nthowa yinyake kuti nanga ndi a—munthu wambura kuruta ku tchalitchi chomene muno wamanyenge kupulikiska. Sono, ise tikwiza ku tchalitchi kuti tizakatzogeke taŵene. Ise tikwiza kuzakajipanga taŵene wānthu wāweme, Wākhristu wāweme, wānekokaya wāweme, wādada wāweme, wāmama wāweme, wāzengenzgani wāweme. Ise tikwiza chifukwa Khristu wali kutiphalira ise kuti usange ise tingafika, kuromba chirichose mu Zina Lake, uko ise tawungana pamoza wānandi ngati wāwiri panji wātatu, Iyo wāwenge nase ndipo waperekenge ichi kwa ise. Ntheura, kasi chinyake chakuruska chiwenge chivichi, kuwa chiweme kwa ise muhanyauno kuruska kumanya kuti ise tiri pa tchalitchi kuti tizgoke wāweme, kuti tikuliske kapulikiskiro kithu? Kasi mbalinga wāngayowoya, “Icho ndicho ine ndiliri muno”? Tiyeni tiwone. “Ine—ine nkhukhumba kapulikiskiro kaweme.” Ndipo ise tingachita chara—ise ntha tingāwa na kapulikiskiro kaweme pekhepekha ichi... Ndipo usange ise tiwenge na kapulikiskiro ka Chiuta, uku kukwenera kuti kwize kufuma mu Mazgu gha Chiuta, pakuti Mazgu ndigho Chiuta wakatipa ise kuti tiryeske mauzima ghithu ghanjara. Ndipo Mzimu Mutuŵa wakatumika kuti watore Mazgu gha Chiuta na kutiryeska ise Mazgu. Imwe mukuchiwona ichi? Wonani, ise... Mzimu Mutuŵa wali kutumika kufuma kwa Chiuta, kuti watore Mazgu gha Chiuta na kupereka Ichi kwa ise umo ise tikusowēkera. Sono, ine ndiri wakukondwa chomene kuti Chiuta wakapanga chakutipa ngati icho. Muli ntheura chara imwe? Mwakuti Iyo watiryeske ise.

²² Ise ndise mberere za mskambo Wake. Ise tiyoyoyenge pa icho mwa pachoko, mberere. Ndipo ise ndise munthu patatu wa Chiuta, ndipo para Iyo wangāwa na ulamuliro wose pa ise Iyo wangamanya kutirongozga ise na kutidangirira ise.

²³ Sono, ichi chikamukondwereska chomene Chiuta, kuti para Iyo wakati watuma Yesu ku charu chapasi, kuti ichi chikamukondwereska Iyo kuti wamuyimire Iyo ngati chinyama, ndipo chinyama chira wakaŵa mwanamberere. Kale chomene ku mtendeko, mu Munda wa Eden, mu vilinganizgo vya kwiza kwa Yesu, Chiuta wakapereka sembe, panji wakaŵa na mwanamberere kuti wazakaŵe chakupereka chakukolerapo mu chilinganizgo cha kwiza kwa Khristu. Sono, ine nyengo zinandi nkhuromba chifukwa icho Chiuta wakapereka chilinganizgo cha Khristu ngati chinyama, ngati chikoko. Kweni ise tikwiza

kusanga kuti Mwanamberere, chifukwa icho Iyo wakasankhira mwanamberere, mwanamberere ndi wakuzika chomene na wakufwasa chomene pa vilengiwa vyose viri pa charu chapasi. Kulije chinyake chakuzika na chakufwasa chomene kuruska mwanamberere muchoko, wambura kaheni, ntha wakujivwiraiyoyekha. Uyu—uju ntha ngwamwano. Uyu ngwakufwasa, chilengiwa chichoko chakuzika. Ndipo para Chiuta wakati wamuwoneskenge Khristu ku charu, Iyo wakamuwoneskenga Iyo mu mwanamberere.

²⁴ Sono, kweni para Chiuta, Dada Chiuta, Yehova, wakati wajiwoneskenge Iyomwene kufuma Kuchanya, Iyo wakajiwoneskera mu yakuzika chomene, yakujikhizga chomene pa viyuni vyose ivyo vikuwuruka mu mlengalenga, ndiyo ndi, nkhunda. Kulije kayuni kakufwasa kuruska nkhunda. Ine nkhachita kafukufuku mukuru pa umoyo wa tuyuni na pa vyamoyo vyamuthengere, ndipo nkhunda ndi kayuni kachilendo chomene pa kayuni kanyake kalikose aka kakuwuruka mu mlengalenga. Nkhunda ndi a—a—yachitemwa. Nkhunda njakufwasa. Ndipo nkhunda yirije ndulu, ndi yekha pera mu mtundu wa tuyuni iyo yirije ndulu. Ndicho chifukwa imwe ntha mukuyiwona nkhunda kunyake kulikose kweni uko kuli seche na tunjele. Sono, a . . .

²⁵ Mu ngaraŵa, mukawâa nkhunda. Ndipo nkhunda yikuyimiririka mu malo ghanandi mu Baibolo. Iyi yikuyimiririka Mzimu Mutuŵa. Ndipo kweniso mwanamberere wakuyimiririka mu malo ghanandi gha Baibolo, ngati Khristu, mu Chivumbuzi, ulendo wose kufika ku Genesis, ndipo nttheura ndimo yiliri nkhunda.

²⁶ Ndipo mu Buku la Genesis, nkhunda yikawâa mu ngaraŵa, kukhalanga pa chivwimbo pamoza na—na viyuni vinyake vyose vyâa mu mlengalenga; ndipo chimoza cha ivyo wakaŵa chaholi, chaholi. Ndipo chaholi ndi kamoza ka viyuni vyachigolo chomene aka kaliko, chaholi na kayuni kaviwawa, ine nkhuschizga, ndi pafupifupi tuyuni twavigolo chomene uto ise tingasanga. Chaholi ndi kayuni ka umoyo-utali chomene, ndipo uyu wakukhala umoyo (iwo wakuyowoyeka) kwa, nyengo zinyake, virimika thu panji firi handiredi, kuti chaholi . . . Kadundulu wakukhala umoyo utali kujumpha apo.

²⁷ Kweni nkhunda ndi nyama yimoza panji kayuni kamoza aka kalije ndulu. Sono, chaholi wangamanya kukhala padera apa na kurya pa nyama yakufwa. Imwe ntha muzamkuyiwona nkhunda pa nyama yakuvunda yira. Iyi yingapirira chara ichi. Fungo la iyi mu mphuno zake, iyi yingapirira chara ichi. Ili lingayipanga iyi kuseruka. Izi ntha zingapirira na chirichose icho chikunangika, chikuvunda. Izi zingapirira chara ichi, nttheura iyi yingarya chara ichi. Usange iyi yingarya ichi, ichi penepapo chingamanya kukoma nkhunda, chifukwa icho chikugaya chakurya ndi kuthika kwa ndulu mu nthumbo uko kukugaya chakurya. Ndipo

usange mulije ndulu mwenemula wakuti wathikireko kula kuti wagaye ichi, ntheura ichi mbwenu chikomenge nkhunda. Ntheura imwe nyengo zose muyisangenge nkhunda uko kuli chinyake chakutowa, chinyake icho ntchiweme.

²⁸ Sono, chaholi ndi wakulekana. Sono, muwoneni waka chaholi kuwa chithuzithuzi cha mupusikizgi. Chaholi wangamanya kukhala kudera kula pa a—pa nyama yakufwa na kurya waka chomene umo uyu wakukhumbira, na kuwurukira nkhanira mu munda na kukarya tirigu, nayoso. Kweni nkhunda yingarya chara tirigu ndipo pamanyuma kuwurukira pa nyama yakufwa.

²⁹ Ntheura, mupusikizgi, munthu wangamanya kuwa mupusikizgi na kurya vinthu vyauzimu, na vinthu viweme na vinthu viheni. Kweni Mukhristu wakubabikaso-kachiwiri ntha wangazomerezga vinthu ivyo ndi viheni, ndipo wangamanya kurya kufuma ku chinthu icho ntchiweme pera. Wonani icho! Para imwe mukuwona munthu uyo wangamanya kuruta ku dansi, kuruta kuwaro na kukamwapo, kuruta kuwaro na kukhala mu kwananga, kwizaso ku tchalitchi ndipo panyake kuchemerezga waka chomene umo wakuchitira mutuwa, kasi ichi ntchichi? Iyo ndi mkazuzi, iyo wangamanya kurya vinthu vyakuvunda na vinthu viweme. Kweni Mukhristu mweneko wangazomerezga chara vinthu ivyo munthowa yiriyose, pakuti iyo wali kujumpha nyifwa wafika ku Umoyo. Ndipo mwaluwiyo ichi chingamanya kumususka iyo mwantheura, maghanoghano waka gha ichi, mpaka ichi chingamanya kumususka iyo mpaka iyo warazgengeko msana wake na kufumapo. O, chithuzithuzi uli!

³⁰ Sono, mwanamberere ndi nyama yichoko yakufwasa. Iyo ntha, iyi yingajivwira chara iyoyekha. Iyo ntha yikujidalirapayekha, chifukwa iyi yingajivwira chara iyoyekha. Kuno nyengo yinyake kale ine nkhayendanga mwakuriska viweto uko ine nkhachitanga ulonda, ndipo ine nkhlasanga mwanamberere muchoko, ndipo zinyake zose zikamuzgewa uyu munthowa yinyake, ndipo iyo wakapiringizgika yose mu mulu uchoko wa waya wa minga. Ndipo kanthu kachoko kachitima kakagona apo, kusuluranga ndopa na kuliranga. Ndipo ine nkhizanga ndipo nkhalawiskira patali kumtunda, pafupifupi hafu wa mtunda uko, paka wa mskambo wose wa mberere. Sono, uyu nthema wakakhala nkhanira penepara ndipo wachaholi nthema wakazonkhanga mu maso ghake nkhanira mwasonosono usange ise ntha tikumumasangenge iyo na kumumasurako. Kweni ine nkhamumasura mwanamberere wachitima, nkhamunyamura iyo mu mawoko ghane. Iyo ntha wakakana. Iyo wakagona waka nkhanira chete. Ine nkhamunyamura iyo mu mawoko ghane. Pakudanga—nyengo yakudanga, panyake, munthu wakawikapo mawoko ghawo pa iyo, kweni iyo waka wa wakufwasa. Iyo waka wa wakunozgeka kurongozgeka. Iyo waka wa

wakunozgeka kovvirika. Ine nkugomezga imwe mukuchiwona ichi. Iyo wakawâwa wakunozgeka ntha kuyezga kukana panji kubafura, panji kuruma. Wanamberere âwakubafura chara, iwo âwakuruma chara; iwo âwakujiyuyura waka iwôwene. Ndipo kanthu kachoko aka, ine nkhamunyamura uyu ndipo nkhamuwika pasi iyo mu mberere zinyake zose. Mu maminiti ghachoko mama wake wakamusanga iyo, umo iyo wakakondwera! Sono, umo ichi chiliri chithuzithuzi cha Mwanamberere wa Chiuta!

³¹ Imwe mukumanya, uko iwo âwakuruta kukakoma mberere, imwe mukumanya icho chikurongozgera mberere kuruta ku nyumba yakuzikomera, ndi mbuzi. Kweni mbuzi yirongozgerenge mberere nkhanira ku urwani ku nyumba yakukomerako nyama, ndipo, ntheura pa nyengo waka apo iyo yikuyitorera mberere mu urwani, ntheura iyo yidukirenge kuwaro. Kweni, o, iwo âwakuti, para iwo âwakuruta kukakoma mbuzi, ntheura iyo yikuponya chibakera. Mukuwona?

³² Ndipo umo ndimo devulu wachitirenge. Iyo wayezgenge kuwarongozgera wana wa Chiuta nkhanira kunjira mu urwani, kweni para yafika nyengo kuti iyo wafwe, iyo nadi wakuponya chibakera nyengo yeneyira. Umo ndimo devulu wakuchitira ichi. Ndipo umo ndimo nyengo zinyake, msungwana munyake muchoko wamawonekero ghachilendo pachoke panji mnyamata munyake muchoko wakusuzga, wali na paketi ya ndudu panji botolo la mowâ, wangamanya kupuruska msungwana muchoko, mwanamberere wa mskambo wa munyake, kumupuruskira ku kwananga. “O, ichi chiri makora. Kulije chinthu chirichose chakukhoromweska ku tchalitchi.” Kweni lekani nyifwa yimusange mnyamata wakale yura nyengo yimoza, imwe mukumupulika iyo wakulira, kuchemerezganga palipose mu charu. Ndipo umo ndimo devulu wakuchitira ichi.

³³ Kweni mwanamberere ngwakufwasa chomene, mwakuti uyu wangamanya kurongozgeka. Ndipo ndicho chifukwa Chiuta wakamulinganiza Khristu ngati Mwanamberere, ndipo Iyoyekha ngati Nkhunda. Ndipo pa zuwa ilo Yohane wakamubapatiza Yesu pa mronga wa Jordan, chimoza cha vyakuchitika vikuru icho chikachitikapo, chikachitikira nkhanira kula. Wonani umo chiliri chakutowa! Mwanamberere, wakuzika chomene pa vilengiwa vyose vya pacharu chapasi, na Nkhunda, yakuzika chomene pa viyuni vyose vya Kuchanya. Sono, iyo ndi nthowa yekha pera umo iwo âwakamanya kukumanirana. Iyi ndi nthowa yekha pera iyo Nkhunda yikamanya kufika ku Mwanamberere. Sono, para Nkhunda yikati yafika, Yohane wakawona Yesu, ndipo iyo wakati, “Wonani Mwanamberere wa Chiuta, uyu wakuwuskako zakwananga ku charu.” Ndipo Yohane wakati, “ine nkuchitira ukaboni, kuwonanga Mzimu wa Chiuta ngati Nkhunda kukhiranga pasi, na kudekanga pa Iyo.” Haleluya! Apo

imwe muli. Nkhunda na Mwanamberere kukumana pamoza. Apo ndi penepapo Chiuta na Munthu wakazgoka yumoza. Apo ndi penepapo Kuchanya na charu chapasi vikakumana pamoza. Haleluya! Apo ndi penepapo Chiuta wakazgoka thupi, wakachiwoneska ichi, apo ndi penepapo Chiuta wakakhira pasi kufuma ku kawonekero ka Mzimu ndipo wakazgoka Munthu ndipo wakakhala pakati pithu. Apo ndi penepapo Umuyaya wose ukakumana pamoza. Apo ndi penepapo mtundu wa wantru wakuwa wa wantru wa Adam na Yehova Chiuta na mungelo waliyose wakiza pamoza, apo Chiuta na munthu wakazgoka yumoza, pa zuwa likuru lira lachikumbusko apo Yohane wakabapatiza Yesu.

Sono, uli usange izo zikawenge mphumphi? Kulira kwakunowa kwa Nkhunda nthena kukayimirira chara pafupi na mphumphi.

³⁴ Kasi chiweme chomene chinyake ntchivichi kuruska nyengo yakumise kupulikanga kulira kwa tunkhunda twakale tuwiri twakhala kuwaro kula na kulira pakanyengo? Pamanyuma pakuti ine nkhatti ndataya muwoli wane na mwana... Ine nkhakhumbanga chara kuzomerezga munyake kuti wamanye icho ine nkhachitanga. Ine nkhanjiranga mu galimoto yane yakale, ine nkhatchikanga kujumpha msewu kuno, kurutanga uku ku malalo gha Walnut Ridge, kukhala apo musi mwa khuni na kulawiska pasi pa dindi. Ine nkhatondekanga kuwaruwa iwo. Chikawoneka ngati kuti ine nkhatondeka kuzizipizga ichi munthowa yiriyoze. Ine nkhughanaghana, mwana wane muchoko, wagona apo, msinkhu wa myezi eyiti. Umo iyo wakatambasuliranga mawoko ghake ghachoko ndipo wakanyamukiranga kwa ine, ndipo ine nkhalizganga belu panji kuyowoya chinyake kwa iyo, ndipo iyo wakatenge "guu-guu," kutambasura mawoko ghake. Ndipo ine nkhakhalanga pasi musi mwa khuni, chomenechomene para kukufipa. Ndipo kula kukaawanga nkhunda yilara iyo yikakhalanga kuwaro kula mu thengere, iyo yikayambanga kulira. O, mwe! Ine nyengo yimoza nkhazizwa usange ichi ukaawa uzima wamoyo wa mwana wane kwiza kuyezganga kuyowoya kwa ine. Kukaawavye chinyake chakunowa kuruska kulira kula kwa nkhunda. Umo iyo yiliri yakutemwa! Iyo yikwiza na mauthenga. Umo iyi yikuyezgera kupanga mtende! Kunyamuka mwakucherera mlenji, kuruta kuwaro mu vivwati kula kufupi na uko ine nkhukhala, chinthu chiweme uli chiriko kupulikizganga! Kukhalanga muchanya mula mu makuni ghatali, nkhunda zira kuliranga kwa yimoza na yinyake.

³⁵ Zuwa linyake, kusika kwa M'bale Cox, nkhunda yilara yikaawa na wanwa wachokowachoko wawiri. Ndipo izo zikakhala nkhanira pachanya pa nyumba, ntheura wachona ntha wakamanya kuzikora izo. Ndipo nkhunda yilara yikawaryeskanga iwo. Ntheura iyi yikizanga na kuwatora iwo

na kuwapanga iwo kuruta muchanya mu khuni, ndipo iwo wakakhalanga muchanya mula na singo zavo kukorôwekana yimoza na yinyake, na kulira na kupanga ubwezi, zuwa lose lathunthu, zichoko ziwiri, wana wankhunda wakufwasa.

³⁶ Ndipo ine nkhaghanaghana umo Chiuta, (nkhunda ndi kayuni ka chitemwa chikuru) ndipo Nkhunda, Chiuta, kukhumbanga kuti wapange ubwezi na wantru Wake. Chiuta wakukhumba kuti watemweke. Chiuta wakukhumba kuti wamutemweni imwe. "Chiuta wakatemwa chomene charu, Iyo wakaperekwa Mwana Wake wakubabika, mwakuti uyoyose wakugomezga mwa Iyo waleke kutayika, kweni kuti waue na Umoyo wamuyirayira." Yitumbikiike Fumu! Ntheura Chiuta, kukhumbanga kuti wapange ubwezi, Iyo wakayenera ku chinyake...wapange chinyake chakutemweka. Iyo wakayenera kuti wapange chinyake chakufwasa ngati Iyomwene. Iyo wakayenera kuti wapange chinyake icho chikamanya kutemweka. Iyo wakayenera kuti wapange chinyake cha Kawiro Kake Yekha.

³⁷ Imwe mungatemwa chara chinyake icho nthu chikawa cha kawiro kinu mwaâwene. Kutemwa kukwenera kulumikizana na chitemwa. Mufumu na muwoli wakwenera kuti watemwane yumoza na munyake, usange iwo wakupanga mlingo. Banja likwenera kutemwana yumoza na munyake, usange iwo wakupanga mlingo. Chinyake chakuti chitemweke! Imwe mukupenja kulikose, kusanga msungwana kuti waue muwoli wako uyo iwe watemwa. Msungwana wakupenja, kusanga mufumu uyo iyo wangamutemwa.

³⁸ Chiuta wakupenja, kuyezganga kuti wasange uzima uwo Iyo wangautemwa. Ntheura, Iyo wakajiwoneskera Iyomwene pano pa charu chapasi ngati Nkhunda yakufwasa na Mwanamberere wakufwasa. Usange Mwanamberere yura pa miniti yimoza wakatorenge kawiro ka mphumphi yikali, Nkhunda yira nthena yikayambapo ulendo Wake mwaluwiro, iyo nthena yikaruta kufumapo.

³⁹ Kwени a—a—mwanamberere, iyi yirije malingaliro ghanyake ghakuru gha iyoyekha. Mwanamberere ndi chinthu chimoza, para iyi yazgewa, iyi yikuzgewa mwakukwanira. Mberere yingasanga chara nthowa yake yakuwerera. Ndicho chifukwa mbuzi yikuyirongozgera iyi ku nyifwa yake. Iyi yingayisanga chara nthowa yake, mberere iyo yazgewa. Ndicho chifukwa Chiuta wakatilinganizga ise ku mberere. Para ise tazgewa, ise tazgewa. Kulije nthowa yakuti ise tingajisanga taâwene. Ndipo kuli nthowa yimoza pera yakuchitira ichi, iyo ndi, kujiperekwa taâwene ku Mliska wa mskambo, ndipo Iyo wakuchita urongozgi.

⁴⁰ Sono, apo ine nkhuwona Mwanamberere uyu na mberere pamoa...Mwanamberere na Nkhunda, mphanyiko, pamoa, iwo wakapanga chimoza. Ntheura wonani umo Nkhunda

yikamurongozgera Mwanamberere, Mwana wa Chiuta. Umo Iyo wakawira wakufwasa, kumanyanga kuti Iyo wakarutanga kukakomeka. Umo Iyo wakawira wakufwasa, kuti nyengo zose ntha kuyezga kujichitira Iyomwene, ntha kuyezga kuwa wakujikhoromweska-yekha. Iyo wakati, "Ine ntha nkuchita kalikose mpaka Wadada wanidwoneske Ine chakudanga, ndipo Wadada wakukhala mwa Ine."

⁴¹ Sono, chinthu chinyake icho mwanamberere wali, mwanamberere ngwakunozgeka kupereka mafulu ghake. Sono, Chiuta wakukhumba ise kuti tiwe wanamberere, kwesi pali nyengo zinandi chomene kuti ise ntha tikukhumba kupereka mafulu ghithu, kughaleka mafulu ghithu. Wanandi chomene wa imwe mukuti, "Inya, ine ndiri nagho mafulu, M'bale Branham." Uwo mbunenesko, kwesi kasi iwe ndiwe wakunozgeka kughaleka mafulu ghako? Kasi iwe ndiwe wakunozgeka kupereka mafulu ghako, kuti Chiuta wakurongozge iwe? Ilo ndilo ndi suzgo na mipingo yithu muhanyauno, mu wanantu wanandi, kuti kufwasa kwa Mwanamberere wa Chiuta... Ise tikwenera kuti tiwe wanamberere, ise tazgoka chinyake chirichose kupatulako wanamberere. Ndipo ndicho chifukwa, para ise tachita waka kachitiro ako, Nkhunda ya Mzimu Mutuwa yikunyamuka ulendo Wake ndipo yikuruta.

⁴² Usange Mwanamberere wa Chiuta wakapangenge kuduma kwakudanga ngati kwa mphumphi, panji wakachitenge chinyake chakususkana na icho Nkhunda yakufwasa yikazomerezga, Nkhunda nthema yikanyamuka ulendo Wake. Iyo nthema yikafumapo mu miniti pera.

⁴³ Ndipo ndicho chifukwa muhanyauno kuti ise tikuzukuma, "Kasi chachitika ndi vichi na mpingo wa Pentekosite?" Ndi chifukwa chakuti ise tatora kawiro kakulekana. Ise tavwara kawiro kakuti, "Ise tikukhumba mafulu ghithu. Ise tichitenge icho ise tikumanya ndi chiweme kuchita." Ndipo ise tikuzgoka wamutafu. Ise tikuzgoka wankhaza. Ise tikuzgoka waheni. Ise tikuzomerezga ukali unjire. Ise tikuzomerezga kujikhoromweska tawene kunjire.

⁴⁴ Mwanamberere, para yafika nyengo... Iyo wali na weya wake, agho ndi mafulu ghake. Iyo wali na weya wake, kwesi iwo wakumutora mwanamberere na kumuwa uyu pa malo ghakumumetera, na kukaka marundi ghake. Iyo wakubafura chara, iyo wakukalipa chara. Imwe mukufumiskako waka mafulu ghake kwa iyo, chifukwa iyo ndi mwanamberere. Iyo wangachita kanthu chara, chifukwa ako ndi kawiro kake. Kwesi nyengo yimoza mutimbanizge nthowa ya Mukhristu, imwe mumanyenge kwali iyo ndi mwanamberere panji mbuzi. Imwe mumanyenge icho iyo wali, mumutimbanizge iyo nyengo yimoza. Ndipo ndicho chifukwa muhanyauno icho mipingo yithu yiri mu kawiro ako iyo yirimo.

⁴⁵ Ise tiri kujichema taŵene mwanamberere wa Chiuta. Wānakazi na mwanarumi, pamoza, tiri kuyamba kuchita chirichose kupatulako ngati wānamberere wā Chiuta. Imwe muŵawone iwo wākuyenda pa msewu, wāvvara wākabunthu, sisi lakudumura, vyakutoweskera palipose mu sisi lawo. Ndipo virimika vichoko vyajumpha, imwe mukuchema... imwe, iwo...imwe nthena mukāwātuma chara iwo kuchita icho. Ndipo pamanyuma imwe mukuzizwa chifukwa icho mpingo uli mu kaŵiro ako uwu ulimo. Ndi chifukwa chakuti imwe muli kutora kaŵiro ka mphumphi panji mbuzi, m'malo mwakukhalirira wākuzika wākufwasa. Ndipo imwe mukuti, "Uwo ndi ufulu wane, M'bale Branham." Ine nkhumanya uwu ndi ufulu wako. "Wakumeta sisi wākudumura sisi. Ndipo malinga wakumeta sisi wadumurenge sisi, kasi ine ndiri nawo chara ufulu?" Uwo mbunenesko, uwo ndi ufulu winu wa America. Kweni kasi iwe wanozgeka kuleka ichi, kuti uŵe mwanamberere? Kasi iwe wanozgeka kujipereka wamwene?

⁴⁶ Ndipo mwaŵānakazi imwe, ntha kale chomene, imwe mukamanyanga kuyenda pa msewu... Ndi chakukhozga soni kuwona umo wānakazi wākuvwalira muhanyauno. Ndipo ine ntha nkhuuyowoya za wā Prezibetere na Methodist, ine nkhuuyowoya za imwe wānakazi wā utuŵa. Mukuyenda pa msewu, ndipo ichi ndi...

⁴⁷ Ine nkhaŵa na kamphnjika kachoko kulenderanga panthazi pa galimoto yane, ndipo munyake wakayowoya kwa ine, wakati, "Billy, iwe ukumanya icho ndi chimanyikwiro cha wa Katolika?"

⁴⁸ Ine nkhati, "Mphauli apo Wākatolika wākawa nako kusankha pa mphinjika?" Palije! Icho ntha ndi chimanyikwiro cha chipulikano cha Katolika; icho ndi chimanyikwiro cha chipulikano cha Mukhristu. Chipulikano cha Katolika ndi mutuŵa muchoko wakufwa, cha Mariya panji—panji munthu munyake wakufwa uyo iwo wākusopa. Ise tikusopa wānthu wākufwa chara. Ise tikusopa Cecilia Mutuŵa chara na wose wāra wātuŵa wākupambanapambana. Icho ndi Chikatolika, cheneicho ndi kawonekero kakuru ka chigomezgo mu mizimu yakufwa. Kweni mphinjika yikuyimira Iyo Uyo wakafwa ndipo wakawukaso.

⁴⁹ Ndipo ine nkhati, "ine nkhusunga ako apo, kulaŵiskanga pa misewu. Virimika twente-fayivi vyajumpha, panji sate, para ine nkhaŵa pafupifupi wachiburumutira, ine nkhamulayizga Chiuta usange Iyo wachizgenge maso ghane ine mbwenu ndilawiskenge pa chinthu chakwenerera." Ndipo ine nkhati, "Kumalo kulikose iwe ulaŵiskenge, uku kulije chauchiuta, wānakazi wāvvara mwahafu, ndipo wānakazi wānkhuli wākhala mu mabaraza na kulikose. Ine nkhuulaŵiska pa mphinjika m'malo mwakulaŵiska (na kukumbukira icho Khristu wakandichitira ine, ndipo nkhung'anamulira mutu wane) ku kanthu...icho ntcha devulu." Haleluya!

⁵⁰ Ndipo kuti wānthu... Ntha nkuyowoya kuti awo ndi wā “Prezibetere, Katolika,” awo mba Pentekosite! Amen. Imwe mukuti, “ine ndiri nawo ufulu kuchita, M’bale Branham.” Uwo mbunenesko, kweni usange iwe ukawā mwanamberere, iwe mbwenu ughalekenge mafulu ghako. Ndipo para iwe wayamba kuchita ngati ntheura, Mzimu Mutuŵa, Nkhunda yakufwasa, yikunyamuka ulendo Wake nkhanira penepapo. Iyo ntha wakhozgekenge soni pamoza na iwe. Chara, chara, chara. Iwe ntha ungaghanaghananga kuti iwe uchitenge ntheura na kurutirira kukhala na Mzimu Mutuŵa. Iwe ungachita chara ichi! Baibolo likayowoya ntheura. Iwe ukwenera kuti ughaleke ghako... Inya, ukuti, “Wanakazi wānyake wose wākuchita ichi.”

⁵¹ Ndipo mwanarumi iwe, mukavu iwe, muchoko, wambura viwangwa, vinthu vyauchanakazi, iwe, kuti ukumanya kumuzomerezga muwoli wako kuchita chinthu ngati icho, icho chikuwoneska icho iwe uli kupangika nacho. Ndicho chifukwa iwe ulije Mzimu Mutuŵa ngati ndiumo iwe ukuyowoyerwa kuti uli nawo, panji iwe nthema wanguŵa na Chinyake chakukwanira mwa iwe kuti umupange iyo wachite ngati dona malinga iyo wakukhala na iwe, munthowa yiriyose. Amen. Icho chikuwoneka chakachitiro-kakale, chakuŵawā. Kweni icho ndicho mpingo ukukhumbikwa muhanyauno, ndi kachitiro-kakale, kuchapika na Mzimu Mutuŵa, na kulendezgeka pawaro na kuyanikika, na kusitika, pakugwiriska ntchito Mzimu Mutuŵa. Nadi!

⁵² Ndi kaŵiro uli ako charu chanjiramo! Umo iwo wākuyendera pa msewu na kuchita viheni! Umo imwe mukuyinuskira mutu winu mu television pa Chitatu usiku, ndipo ntha mukuruta ku tchalitchi! Umo kuti imwe... Chifukwa, kweni mulije mwana mu charu... wakumanya vyose vya icho David Crockett wali. Ndipo boza likazuzi lira, kuyowoyanga kuti iyo wakakoma nkaramira pa msinkhu wa virimika vitatu, imwe mukumanya ilo ndi boza, kweni imwe mukuŵazomerezga wāna ūwinu wazuzge mitu yawo na vinthu vya icho. Ndipo palije yumoza pa handiredi kufuma pa handiredi uyo wakamanya chirichose za Yesu Khristu. Ndi chifukwa chakuti charu ichi chazgoka chakwanangika! Charu ichi, chaukazuzi chomene ndipo chiri kutali chomene na Chiuta, chaukana Mzimu Mutuŵa.

⁵³ O, imwe mukuti, “ine nkharuta ku tchalitchi ndipo nkuchemerezga.” Iwe panji ungachita icho. Kweni, mpaka Mwanamberere wakufwasa yura wa Chiuta wakhazikike mu mtima wako, na kukupanga iwe utozge umoyo wako na kuchita ngati munthu munyake, ichi ntha chikuchitirenge iwe chiweme chirichose kukopera Chikhristu. Iwe ukwenera kuti uŵe nawo Uwu. Amen.

⁵⁴ Ine nkharuta mu nyumba kuno ntha kale chomene, kuti nkhamuchezgere mwanarumi murwari, ndipo mwanakazi

wakagona, wakakhala apo. Ndipo Oswald mulara pachoko wakiza, chipewa chiri kumphepete kwa mutu wake, wakati, "Mama, kasi chakurya mwanzogza?"

⁵⁵ Iyo wakati, "Wakutemweka, ise tanguŵavye nyengo," wakati, "mlenji uwu, kuti tinozge chakurya chirichose." Wakati, "ine nkhukunozgera iwe chingwa chakuŵikamo tunyake," wakati, "pali maorenji pachoko."

⁵⁶ Iyo wakayenda ndipo wakatora orenji, wakalilaŵiska ili, wakalijemura ili, wakaliponya ili muchanya kulitchayiska ku chipupa mwankhongono umo iyo wakamanya kuchitira, juwisi wakasululira pasi, wakati, "Usange ivyo ndivyo vyekha imwe muli navyo pa malo agha, ipo ine ndifumengepo," ngati nttheura.

⁵⁷ Ine nkhaghanaghana, "O Chiuta, iyo nthena wanguŵa wane pa maminiti pfafupifupi fayivi!" Mnyamata, ine ningamanya kumusupura chikumba iyo kuti iyo ntha wamanyenge kuti chikumba chake chasupukapo! Kweni iwo ūakhala apo, ūachitima na ūakufoka. Icho iyo wakukhumbika ndi kachitiro-kakale ka chikwapu chakumusupura chikumba. Icho ndicho ise tikukhumbikwa, nyumba zinyake zakachitiro-kakale, na ūapharazgi ūanyaké awo ūayimirirenge kunyuma kwa gome na kupharazga Unenesko, na kuwupereka Uwu uko Uwo ukwenera kuperekeka. Amen. Uwo mbunenesko. O, mwe!

⁵⁸ Mariya muchoko wakadyaka rundi lake lichoko, ndipo wakatukulira muchanya mphuno yichoko yira ndipo wakagadabura tumilomo tuchoko tula twakuphakika-viswesi (na vinthu nya Max Factor) muchanya mu mphepo, ndipo wakanyoroska mutu wake muchanya ndipo wakayenda kufumamo mu nyumba. Chinthu chasoni uli! Umo ūana ūakuŵira ūamatufu! Baibolo likati iwo ūazamkuŵa nttheura. Lemba likati iwo ūazamkuŵa nttheura. Umo iwo ūazamupangira, umo iwo ūazamuchitira, na vinthu ivyo vikuchitika mu charu muhanyauno, ndi chifukwa chakuti iwo ūaukana Mzimu Mutuŵa.

⁵⁹ Virimika vichoko vyajumpha. Ine ndirutenge sono, mu mazuŵa ghachoko, kuti nkhakondwerere kwiza kwakudanga kwa Mzimu Mutuŵa mu America, virimika fifite vyajumpha chirimika ichi, pa ungano wakale pa Msewu wa Azusa, ungano wa pentekosite mu Los Angeles, uko iwo ūakawâna kwiza kwawo kwakudanga kwa Mzimu Mutuŵa, apo ūanthu ūakawungana pamoza. Para Khristu wakati wafika pakati pa ūanthu ūara, iwo ūakawâna waka ūakufwassa, pa mtende waka. Iwo ūakakhala maumoyo ghauchiuta. Iwo ūakakhala maumoyo ghakujipereka. Iwo ūakawâna ūakunozgeka kuleka vyose. Iwo ūakawâna ūakunozgeka kurongozgeka na Mzimu Mutuŵa. Iwo ntha ūakapwerera icho ūanthu ūakayowoya, iwo ūakawâna "ŵakachitiro-kakale," kwali iwo ūakayowoya kuti iwo ūakawâna

“ŵakuzerezeka” panji vichi za ichi, iwo ŵakawâ ŵakunozgeka kurongozgeka na Mzimu Mutuŵa.

⁶⁰ Kweni, muhanyauno, o, mwe, na vyakujifayira nya ufu na kabokosi ka vyakujiphodera, ndipo ŵavwara ŵabakunthu, ndipo ulendo pa msewu, chifukwa, ichi ntchakukhozga soni! Ndipo ŵakujichema iwoŵene, “ŵali na Mzimu Mutuŵa.” O, imwe mukuti, “Kweni ine nkhayowoya mu malilime.” Inya, ndipo devulu wakuchita, nayoso. “O, ine nkhachemerezga.” Ndipo devulu wakuchita, nayoso. Develu wangamanya kukopera chirichose icho Chiuta wali nacho, kupatulako chitemwa, ndipo iyo wangakopera chara chitemwa. Inya.

⁶¹ Ntheura, chinthu chakudanga imwe mukumanya, para imwe mukati mwayamba kuchita vinthu vira, imwe mukakhizgira pasi mphiringizgo, imwe mukayamba kulekerera, ntheura mpingo ukayamba kupanga chiwawa pachoko, magulumagulu pakati pawo, ndipo yumoza uyu wakati, “Imwe mukumanya, mliska ndi *chakuti-na-chakuti*,” panji “dikoni ndi *chakuti-na-chakuti*.” Ndipo, chinthu chakudanga imwe mukumanya, imwe mukategherezga ku icho! Ndipo ndicho chifukwa ise tiri kuŵa na masuzgo ghanandi, ndi chifukwa chakuti imwe mwayamba kutegherezga kwa devulu, ndipo mukupokera nthimbanizgo m’malo mwakutegherezga ku Nkhunda yakufwasa, Mzimu Mutuŵa, Nkhunda ya Chiuta iyo yingamanya kumurongozgani imwe na kumudangilirani imwe, kumutemwani imwe na kumutumbikani imwe.

⁶² Nyengo yakudanga imwe mukupokera kutukuzga kula kwa ukali, Nkhunda yikufumapo nkhanira penepapo. Uwo mbunenesko. Iyi yingazipizga chara ichi. Kaŵiro Kake ndi kakulekana. O, Iyi yingazipizga chara icho munthowa yiriyose. Ndipo imwe mukuyamba kuyowoya za muzengezgani winu, Iyi yingazipizga chara icho, Iyi ntha yizomerezgenge kukhala na ichi. Iyo wakuyamba waka ulendo Wake ndipo wakuruta. Iyi yingazipizga chara ichi munthowa yiriyose. Nkhunda njakufwasa. Nkhunda njakuzika, ndipo Nkhunda, ndipo—ndipo Ūwu ungayima chara pa chinyake chirichose pekhapekha ichi ntcha kawiro ka mtundu wakuyana.

⁶³ Sono, Chiuta wangamanya kukupanga iwe wakaŵiro kakulekana, mwanarumi panji mwanakazi, Iyo wangamanya kukupa iwe kaŵiro kakulekana. Ndipo imwe mukuti, “Inya, M’bale Branham, kasi ise tingachita vichi za ichi?” Zgokani waka muŵeso mwanamberere. Ndi vinyama viŵiri pera vingamanya kuchezgerana pamoza, iyo ndi nkhunda na mwanamberere. Nkhunda ntha yifikenge ku chinyake chirichose kweni mwanamberere. Ndipo usange iwe ukuyamba kuŵa mbuzi, ntheura iwe fumiskamo mzimu wa mbuzi ula mwa iwe. Uwo mbunenesko. Usange iwe wazgoka chinthu chinyakeso, fumiskako ichi kwa iwe, usange iwe wayamba kuŵa wakubwetuka.

⁶⁴ Kuno nyengo yimoza, ine nkapharazga waka mwankhongono umo ine nkhamanya kuchitira mu msumba unyake, ndipo kukaŵa masauzandi gha wānthu kula. Ine nkhachemera wānthu ku guwa. Ine nkhaghanaghana kuti ine panyake nkhakhwaska chigāwa chose cha kwananga, ine nkhakhwaska chirichose icho ine nkhaghanaghana. Usiku ula para chisopo chikati chamara, mwanakazi muchoko wamawonekero ghakutowa wakiza, iyo wakati, “Inya, M'bale Branham, ine ndiri wakukondwa chomene kuti iwe wangunichontha chara ine usiku uwu.”

Ine nkhaghanaghana, “Yura wakayenera kuŵa Mukhristu nadi.” Wakati, “Iwe wangunichontha chara ine usiku uwu.”

⁶⁵ Ine nkhati, “Inya, ine ndiri wakukondwa chomene kupulika icho, dona, iwe ukwenera kuŵa kufupi ku Ufumu wa Chiuta.” Ndipo iyo wakaruta.

⁶⁶ Dona munyake mulara wakayimirira apo. Ine nkhati, “Yowoya, kasi iwe ukumumanya mwanakazi yura?”

“Inya.”

Ine nkhati, “Iyo wakwenera kuti ndi Mukhristu wakufikapo.”

⁶⁷ Wakati, “Chinthu chimoza iwe wangutondeka kuchikhwaska usiku uwu, M'bale Branham, chira changuŵa mujedo. Iyo ndi kaswiri wakujeda mu charu.” Apo imwe muli, ndicho ichi, wonani.

⁶⁸ Kweni para iwe wafika ku chimoza cha vinthu ivyo, palije kanthu kwali mupharazgi wachikhwaska ichi pa gome panji chara, para iwe ukuwona vinthu ivyo vyakuthupi vya charu, malinga iwe ukuvizomerezga ivi, iwe uli kutali na Chiuta, ndipo Mzimu Mutuŵa wakhalenge kutali. Ndicho chifukwa maungano ntha ghali ngati ndiumo ghakawiranga. Ndicho chifukwa nthowa pa mashivini yindapangike mlenji uwu mu kachisi. Ndicho chifukwa maungano ghakuru gha mu hema ntha ghalimo mu charu, ndi chifukwa chakuti ise tiri kukwenyerezga Nkhunda yakufwasa ya Chiuta. Uwo mbunenesko. Iyo ntha wakhalenge na ise malinga ise tiri wāheni, malinga ise tikujedana. “Ise tikukhumba nthowa zithu!”

⁶⁹ Sono, ine nkukhumba kuti imwe muwone, Mwanamberere wakaŵa Mwanamberere wachete. Baibolo likati, “Iyo ntha wakajura mlomo Wake. Ngati mberere panthazi pa wākuyidumura weya, Iyo wakaŵa chete.” Iyo ntha wakajura mlomo Wake. Iyo ntha wakaŵa munthu uyo wakukhumba maufulu Ghake. Chara, bwana, Iyo wakaŵa wakunozgeka kughaleka maufulu Ghake. Iyo wakaŵa Mwanamberere wachete.

⁷⁰ Kweni, muhanyauno, o, mwe, umo ise tikuzikhumbira mphambano zithu! O, mwe! “Ine nkhumuphalirani imwe,

imwe mumuzomerezge waka munyake wayowoye chinyake kwa ine, ine ndimufufuzenge na kumusanga iyo, mnyamata, ine ndimusasurenge waka iyo.” “Ine ndimuphalirenge mupusikizgi wakale yura para ine ndamuwona iyo! Imwe lindizgani waka mpaka ine ndimuwo iyo! Watumbikike Chiuta, haleluya! Unhu!” Nkhunda mbwenu yikunyamuka waka ulendo Wake ndipo yikuruta. Uwo mbunenesko. Mzimu Mutuŵa ntha waliso na iwe munthowa yiriyose, malinga iwe ukupulika mwantheura umo. Lembani waka icho mu buku linu, Uwu ntha uchitenge ichi. Mzimu Mutuŵa ntha ukhalenge penepapo pali mzimu wa mtundu uwu. Uwu ukwenera kuŵa mzimu wa mwanamberere, mzimu wakufwasa, panji Uwu ntha ukhalenge pamoza na uwu, ndicho chekha chiriko ku ichi; usange uwu ntha ngwakufwasa, wakuzika, wakurongozgeka na Mzimu Mutuŵa. Ndipo usange chinyake chachitika, Uwu ntha nanga ukuŵikako zeru ku ichi, ukurutirira waka. Mukuwona? Ndipo miniti yeneyira apo uwu ukung'anamukira kumphepete, iwe ukumanya, iyo ndi yeneyira...para iwe ukang'anamukira kulwandi.

⁷¹ Imwe mukumanya, kwananga kwakudanga kukayamba na munthu kung'anamukira kumphepete miniti pera. Kasi imwe mukachimanyanga icho? Baibolo likayowoya ntheura. Eva wakang'anamukira kumphepete kanyengo waka, kuti wapulike icho Satana wakati wayowoyenge, ndipo iyo wakapanga kurongosora kuweme chomene kwa iyo mpaka iyo wakaghanaghana nadi kuti uwu ukawa Unenesko. Ndipo iyo wakategherezga kwa iyo.

⁷² Ndipo chinthu chimoza pera devulu wakukhumba kuti imwe muchite, ndi kung'anamukira waka kumphepete maminiti ghachoko waka. Iyo wangamanya kurongosora chinthu, kuti, “Sono, laŵiska kuno. Iwe ukumanya, m'bale, iwe ukumanya, mlongosi, usange iwo wâkawêngé wânthu wâkwenerera, iwo nthena wânguchita chara *ichi*. Usange iwo wâkachita waka *ichi* nkhanira apa, iwe ukumanya.” Iyo wangamanya kuchipanga ichi chanadi kwa iwe mpaka ichi chikuzgoka unenesko. Uwo mbunenesko! Kweni kumbukira, ichi ndi devulu!

⁷³ Ine nkhupwerera chara kwali iwo wâtaya-chomene uli chigomezgo, umo iwo wânjirira chomene mu kwananga, ndi ntchito yako kuŵika woko kuŵakumbatira iwo na kuŵawuska iwo mwa chitemwa cha Chiuta. Kasi iwe ukaŵankhu para Nkhunda ya Chiuta yikakufumiska iwe mu mathope? Ndi ntchito yako, mubwezi wane. Charu ichi chikufwa chifukwa cha chitemwa chichoko. A...

⁷⁴ Ine nkhukhumba imwe kuti muyiwone nyama yichoko iyi, nayoso, nyama yichoko iyi, uyu wakawa mwanamberere wachete chifukwa uyu ntha...para Iyo wakanyozeka, Iyo ntha wakawezgera munyozo. Iyo ntha wakakwiya na kuchita chiheni, na kukangana na kukhumudwa na kurutirira, Iyo ntha

wakachita ichi. Para munyake...Para Iyo wakanyozeka, Iyo ntha wakawezgera munyozo. Iyo ntha wakajura mlomo Wake.

⁷⁵ Kweni imwe mumuzomerezge munyake wachite chinyake kwa imwe panji ine, o, mwe, ise tikufufuma ngati tuwe warya chipolopolo, kufufuma ngati a-ngati baka mulara wakuthengere. "Ine ndimuphalireninge imwe sono nthena, iyo kudyaka pa njowe zane ngati ntheuraso, ine ntha ndizamkurutakoso ku mpingo wakale ula. Chara, bwana! Watumbikike Chiuta! Haleluya! Wa Nazerene wāmkundipokerera ine, wa Pilgrim Holiness, iwo wāmkunditora ine. Haleluya. Ine ntha nkuyenera kuti ndichiteso ichi munthowa yiriyoze." Viri makora, Nkhunda yikunyamuka ulendo Wake.

⁷⁶ "Imwe mukumanya kasi? Usange mupusikizgi wakale yura wakuruta ku mpingo ula, ine ndizamurutakoso chara. Watumbikike Chiuta, ine ndizamuchita chara ichi!" Para chinthu chira chakufika iwe, mphumphi yakale yira yikali, Nkhunda yikunyamuka ulendo Wake. Ünenesko. Ntheura Mzimu Mutuwa wakuruta.

⁷⁷ Pamanyuma imwe mukuzizwa na icho chachitika na imwe. Imwe mukuzizwa na icho chachitika na mpingo. Imwe mukuzizwa na icho chachitika na imwe. Ntchifukwa uli imwe ntha muli na kutonda uko imwe mukawa nako kale? Imwe muli kusintha kaŵiro kinu. Imwe muli kuzgoka mbuzi m'malo mwa mwanamberere. Imwe muli kuzgoka chinthu chinyake padera pa mwanamberere.

⁷⁸ Imwe nadi mukwenera kuti mupokere Mzimu ula wakuzika, "Zomerezgani Mzimu Mutuwa wandirongozge ine kulikose. Chiuta, ine nkhumutemwa wakwananga waloyose, palije kanthu kwali iwo wālinkhu." Mtundu uwo wa malo kufika mu mtima wa munthu, pamanyuma imwe muwonenge chinyake chikuchitika, uzima winu.

⁷⁹ Imwe mukuti, "Inya, M'bale Branham, kasi uliko wovwiri ku ichi?" Inya, zgokani waka kuwa mwanamberere, mbwenu kwamara. Imwe mukuti, "Inya, M'bale Branham!"

⁸⁰ Ine nkhakumana na dona muchoko usiku unyake, kusika mu Shreveport. Billy na ine tikaruta ku malo kuti tikagure chingwa chakuŵikako chinyake para ungano ukati wamara. Mwanakazi muchoko wakutowa wakafika mwenemula, pakunji msungwana muchoko, panji panyake twente panji chinyake ngati icho, wakavwara makora. Iyo wakakhala pasi. Ine nkhawona kuti iyo wakarutirira kulaŵiskanga kudera kula. Ine nkharutirira waka kuryanga. Maminiti ghachoko dona wakafika. Iyo wakati, "Kasi imwe muli uli?" Nkhayowoya kwa iyo. Ndipo ine nkhumanya dona wakaŵa Mlongosi Davis kusika kula. Ndipo iyo na dona munyake kufuma ku Life Tabernacle, ine nkhaŵamanya makora iwo, iyo wakakhwaskika ndipo

wakayowoya kwa ine, wakarutirira. Ntheura dona muchoko wakakhala mwakurazgirana, iyo wakati, "M'bale Branham, ula wanguŵa Uthenga uweme usiku uwu."

⁸¹ Ine nkhati, "Kasi iwe uli makora, mlongosi?" Ine nkhati, "Nakuwonga iwe, chomene nadi." Ndipo ine nkhati, "Kasi iwe ndiwe membara wa Life Tabernacle?"

⁸² Iyo wakati, "ine ndiri." Iyo wakati, "Imwe mukumanya, M'bale Branham, ine nthema nkhayimba mu kwayara, kweni iwo ūakukanizga kusika kula." Iyo wakati, "ine nkhaŵâna, o, virimika vinandi chomene vya kusambizgika kwimba, na chirichose." Wakati, "ine nkhayimba pandekha ndipo ine nkhayimba vinthu vinyake." Wakati, "Kweni, ine—ine nkhayimbako chara, chifukwa iwo ūali—iwo ūakukanizga kuti 'ntha mwanakazi wakujipenta wangamanya kuyimba—wangamanya kuyimba mu kwayara."

Ine nkhati, "Inya, warumbike Chiuta chifukwa cha Life Tabernacle!"

⁸³ Iyo wakati, "Inya, ine nkhumuphalirani imwe, M'bale Branham," iyo wakati, "ine ndine Mukhristu."

⁸⁴ Ine nkhati, "Ntheura, mlongosi, ruta kunyumba ndipo ukageze kumaso kwako, panji chirichose iwe ukuchita." Ine nkhati, "Kasi iwe ukung'anamura kundiphalira ine kuti iwe uzomerezgenge chinthu chichoko chantheura ngati nkuphaka pachoko vya icho pa chisko chako . . ."

⁸⁵ Ndipo ine ningamanya kusimikizgira kwa iwe kuti icho chikufumira kwa devulu. Ine ningamanya kusimikizga kwa iwe kuti mulije mu . . . Chiyambi cha ichi ūakawa ūakuwura kugomezga. Ndipo malinga iwe ukuphaka ichi, ichi ndi lusimbo lwa kuwura kugomezga. Sono, ine ndafika waka kufuma ku Africa, ndipo ine nkhaŵâ mu mizi ya ma Hottentot ndipo nkhasanga waka ndendende uko ndolora, uko vinthu vyose vira vikufumira, na chose ichi, vinthu vinandi vyakujiteweskera mwajikakirira kuzungulira singo zino na makutu na chinthu chirichose, uko icho chikufuma. Ichi ndi ūakuwura kugomezga. Ndipo Baibolo ntha likukhumba Mukhristu kuti waŵe wakuwura kugomezga. Ndipo imwe mukukhumba chara . . . Ine ntha nkuyowoya kuti imwe ndimwe wakuwura kugomezga chifukwa chakuti imwe mukuchita ichi, kweni imwe mukujipanga mwaŵene kuwoneka ngati yumoza. Ndi chifukwa chakuti mliska winu wakamuphalirani chara imwe Unenesko. Baibolo likayowoya ntheura.

⁸⁶ Ndipo sono imwe mukuti, "M'bale Branham, ine nkughanaghana usange ine ndiri na sisi lifupi, ichi chikundipangiska ine kuwoneka makora na chirichose ngati ntheura." Uwo mbunenesko, kweni usange iwe uli na sisi litali iwe uŵenge wakuwoneka makora chomeniko. Ili libenekererenge singo lako lose, na kulibenekerera ili makora.

⁸⁷ Chifukwa, imwe mukumanya icho Baibolo likayowoya? Kuti, mwanarumi wali na mazaza kumuchimbizga muwoli wake na kumupata iyo usange iyo wakudumura sisi lake. Usange iyo wakudumura sisi lake, ichi chikuwoneska kuti wakukhala umoyo waukhuruku ku mwanarumi. Baibolo likayowoya ntheura, Wakorinte Wakudanga 12, fufuzani usange Ichi ndi unenesko chara. Mwanakazi uyo... Mwanakazi uyo wakudumura sisi lake wakuyuyura mutu wake, uyo ndi mufumu wake. Ndipo usange iyo wali na muyuyuro, iyo wakwenera kuti wapatike ndipo wakwenera kuti warutenge. Uwo mbunenesko. Kweni, wonani, mliska nthia wakumuphalirani imwe vinthu ivyo. Ndipo ndicho chifukwa imwe mukuchita umo imwe mukuchitira. Ndipo—ndipo mwanarumi, Baibolo likati...

⁸⁸ Kuno nthia kale chomene kukaŵa munyake wakalemba ndipo wakati, “M’bale Branham, ma—mabulauzi agha agho wānakazi wākusanga,” wakati, “chifukwa, ichi ndi chantheura a...imwe mungaghasanga chara mabulauzi munthowā yiriyose, ndipo ichi chiwēnge makora waka kwa ise wānakazi Wākristu kuti tivwarenge madacron, nayilon, panji chirichose icho chiriko ngati icho?”

⁸⁹ Ine nkhati, “Wona, mlongosi, kuli chinthu chimoza za ichi. Apa pali chinthu chimoza chaunenesko. Iwe ungamanya kuchita ichi: usange iwe ungatondeka kugura yimoza, iwo wākuguriska makina ghakusokera, iwe ungamanya kupanga yimoza.” Ine nkhati, “Uwo mbunenesko. Kupanga iyi kuti yiwoneke waka...” Ine nkugomezga... Iwe ukumanya, icho chiri mu mtima wako ndicho chikuijwoneskera ichochekha. Umo iwe ukuchitira na umo iwe ukupangira, icho chikuwoneska icho chiri mwa iwe.

⁹⁰ Ndicho chifukwa chakuti chose ichi apa kuduma na kukangananga na kujedananga, na—na kulamunanga kumsana, na kuchitanga viheni pa mpingo, icho ndicho chikugawā mpingo. Icho chikuwoneska kuti devulu wanjira pakati pinu, ndipo icho chikuwoneska kuti Mzimu Mutuwā wamulekani imwe. Sono, ine nkhumanya icho chikuwotcha phula mu wānyake wā imwe, kweni ichi chikwenera kuchita ichi. Ichi chikwenera kuchita! Icho ndicho ichi chiri kuyowoyekera; nthia kuŵa wakuchenjera, nthia kuchita mwauryarya; kweni kumuphalirani imwe apo pali suzgo, pakuti zuŵa linyake ine nkuyenera kuzakayimirira na kuzakamuzgorerani imwe. Ndipo chifukwa chenechira imwe mukuchitira na umo imwe mukupangira, icho chikuwoneska icho imwe muli. Usange imwe muli waka na ukali wakale uwo umupangiskeninge imwe kuponya chaka mu kanyengo kachokō waka, na kunyamuka kufumapo pano na kuchita viheni, panji kususka, panji kutuka na chinthu ngati icho, icho chikuwoneska uko ichi chikufumira.

⁹¹ Sono pali chinthu chimoza chakuti muchite, fumiskanipo chinthu icho apo, ndipo Nkhunda yifikengeso ku mtima

winu. Para nkhunda yikati yanyamuka kufuma mu ngaraŵa, iyi yikatumika. Kweni iyi yikawerako ndipo yikakhung'uska pa chijaro cha ngaraŵa mpaka Nowa wakayizomerezga iyi kunjira. [M'bale Branham wakatchaya pa gome—Munozgi] Mzimu Mutuŵa wali muno. Mzimu Mutuŵa wakukhumba kuti wanjire. Ndicho chifukwa muhanyauno, kuti Mzimu Mutuŵa, Iyo ntha wali kufumako kwa imwe muyirayira. Uwu wakhala waka kuwaro uko pa minthavi ya makuni kumalo kunyake, wakunozgeka kuduka Iyomwene na kuti wanjiresho mwa imwe, na kumupani imwe chitemwa na mtende na chimwemwe ngati ndiumo imwe mukaŵira navyo. Nadi, Ichi chiriko. Iyo ndi wakunozgeka kuchita ichi. Iyo wakukhumba kuti wachite ichi. Iyo wakunwekera kuti wachite ichi. Kweni imwe mukumuzomerezga chara Iyo kuchita ichi!

⁹² Sono, ine ntha nkuyowoya kwa imwe wâlendo. Ine nkhumanya chara icho mliska winu... Ine nkuyowoya ku Branham Tabernacle. Ine ntha nkuyowoya kwa mwâwanthu imwe mwafumira ku mipingo yinyake. Ine nkuyowoya ku Branham Tabernacle. Icho ndicho chikuchitika kudera kuno.

⁹³ Icho ndicho chikupangiska Nkhunda kuti yinyamuke ulendo Wake. Rekani waka munyake wayambiske chinyake chichoko pa mpingo, ndipo chinthu chakudanga, "O, kasi icho chiri nttheura? O, kasi...? Iwe ntha ukung'anamura nttheura?" Nkhanira penepapo Mzimu Mutuŵa wakuruta, wakuduka wakuruta. Uwu ntha ungazipizga na mtundu ula wa mzimu. Malinga kaŵiro kala ka mwanamberere kamulekani imwe, mbwenu Mzimu Mutuŵa wakufumapo. Uwo mbunenesko. Ndipo icho ndicho chikuchitika muhanyauno. Ndicho chifukwa wânthu wali mu kaŵiro ako iwo wâlimo, ndi chifukwa chakuti iwo wâkuzomerezga mzimu wakwananga kunjira mu mtima wawo, mu umoyo wawo. Sono ndicho chifukwa ise tiri na...

⁹⁴ Baibolo likayowoya kuti ndicho chifukwa pali wânandi chomene mbarwari na wâkukomwa pakati pithu, ndi chifukwa cha vinthu vyantheura. Ise tikwenera kuŵa wâkufwasa. Ise tikwenera kuŵa wâmtende. Ise tikwenera kuŵa mwanamberere, mwakuti Nkhunda yingamanya kukhala na ise.

⁹⁵ Sono, kumbukirani, Nkhunda yifikenge. Iyo wakati, "O, M'bale Branham, ntha ungandiphaliranga ine kuti ine ntha nkhapokera Mzimu Mutuŵa. Haleluya! Kusika, usiku kula usiku umoza, o, para Iyo wakati wafika, ine nkhamanya waka kuyenda..." Nadi, yura wakaŵa Iyo! "O, ine nkhapulika makora, ine nkhwona ngati kuti ine ningatora kayuni kalikose kachoko mu khuni na kukakumbatira iko na kukatemwa iko. Munthu muheni chomene wane uyo wakachita chinyake kwa ine, ine nkhwona ngati kuti ine ningâwika woko lane kuŵakumbatira iwo na kuŵahaga iwo. O, M'bale Branham, umo ine nkhapulikira!" Nadi, ula ukaŵa Mzimu Mutuŵa.

⁹⁶ Kweni, imwe wonani, chifukwa icho Iyo wakatondekera kukhala. Imwe mukâwa mwanamberere kale; kweni para imwe mwazgoka mphumphi, Iyo wakayenera kunyamuka ulendo Wake. Palije chakwanangika na—na—na Nkhunda; ichi ndimwe, ndipo a...imwe mukuzomerezga mzimu ula kwiza kwa imwe. “Kasi ine nkhaузomerezga uwu, M’bale Branham?” Inya, para iwe ukaruta kukategerezga ku boza lira, para iwe ukategerezga ku boza lira, para iwe ukayamba kuyowoya, “Inya, ine ndiri nawo ufulu kuchita!”

⁹⁷ Imwe mulije mafulu ghalighose! Imwe muli kugurika na mtengo, ula ukaâwa mtengo wa Ndopa zakuzirwa za Mwana wa Chiuta. Imwe mulije mafulu ghakuzomerezgeka na dango. Haleluya! Mafulu ghekha pera imwe muli nagho, ndi, zanine ku Mbwiwi yakuzura na Ndopa kutoreka kufuma ku Msempha wa Immanuel, para âwakwananga âwakunjira kusi kwa chiziâwa, âwakutaya kwananga kwawo kose. Inya, bwana. Uwo ndi ufulu wekha pera imwe muli nawo, ndi khumbo lakujiperekâ-mwaâwene, kwa Chiuta, ndipo pamanyuma Chiuta wakuchita urongozgi kufumira apo na kunthazi. Icho ndicho chikupangiska maungano... Icho ndicho chikupangiska vinthu vinandi chomene vyachilendo. Mzimu Mutuâwa warutenge ku malo, Mzimu Mutuâwa wakati, “Ichi chiri makora chara. Rekeska ungano, ruta kunyake.” Ine ndilekeskenge ichi, nachoso, m’bale, kurutirira nkhanira munthazi. Uwo mbunenesko, chifukwa iwe ukwenera kurongozgeka na Mzimu wa Chiuta. Ndipo nthowa yimoza pera kuti urongozgeka na Mzimu wa Chiuta, njakuti khala wakufwasa, ntha kumanya chirichose.

⁹⁸ “O,” imwe mukughanaghana, “ine nkhumanya vyose.” Inya, imwe mukutimbanizga waka mongo winu wose ndipo uwu ntha nanga ungachita pawekha. Imwe mukumanya mabuku ghose na mazgoro ghose, na Chigiriki chose na Chihebere chose, ndipo palije malo ghalighose ghakuti Nkhunda yikhalepo. Uwo mbunenesko. Kweni imwe mukumanya chose ichi, ntheura Nkhunda yingamurongozgani chara imwe, chifukwa imwe mukumanya vinandi chomene.

⁹⁹ Mwanamberere ntha wakuyowoya kuti wakumanya kalikose. Uyu wakwenera kuâwa na munyake kuti wayirongozge iyi. Uchindami! Ndicho ichi. Ntha wakumanya kalikose! Amen. Chinthus chimoza pera ine nkhumanya, ndi, Khristu Yesu wakafwa kuti wandiponoske ine.

¹⁰⁰ Kusika mu California kukaâwa munthu wakizanga, wakaâwa na chimanyikwirosunthazi kwa iyo, chikati, “Ine ndine chindere cha Khristu,” ndipo pa msana ichi chikati, “Kasi iwe ndiwe chindere chanjani?” Uwo mbunenesko. Muwe chindere, ku charu, mwakuti imwe mungamanya kurongozgeka na Mzimu Mutuâwa, chifukwa âwana âwanarumi na âwana âwanakazi âwa Chiuta âwakurongozgeka na Mzimu Mutuâwa. Waroma 8:1, wakati, “Ipo kulije sono kususika kwa iwo âweneawo âwali

mwa Khristu Yesu, awo ntha wakwenda mwakurongozgeka na thupi, kweni Mzimu,” wakwenda ntha mwakurongozgeka na mphumphi, kweni Nkhunda. Amen.

¹⁰¹ Doc wakatemwanga kuyimba sumu, “Zuzgani nthowa yane nyengo zose na chitemwa, apo ine nkuyenda na Nkhunda ya Kuchanya; ndizomerezgeni ine ndirute nyengo yose na sumu na kumwemwetera, zuzgani nthowa yane nyengo zose na chitemwa.” Ndi zuwa uli la mtende ili lizamkuwa ku Branham Tabernacle, panji mpingo unyake uliwose para munthu munyake payekhapayekha, apo iwo wazamkughaleka mafulu ghawo, kuti wazogoke kuwa mwanamberere.

“Kasi fumbo ndakuti uli, M’bale Branham?”

¹⁰² Wererani ku mwanamberere, wererani ku kufwasa, wererani mufike kwakuti mukumanya kalikose chara, wererani ku kujiperekwa waka mwaŵene kwa Khristu. Kuyezga chara, kuyezga kuti mumanye kalikose chara. Yendani waka mwakuzika, mwakachetechete, mwakujikhizga, mwakufwasa, ndipo Nkhunda yimurongozgeninge imwe. Kwemi nyengo yiriyose para imwe mukuwona...mukuruta kukategherenzga ku mujedo ula, nyengo yiriyose para imwe mukufika pa ukali ula, nyengo yiriyose para imwe mukufika pa kughanaghana kuti imwe muli na ufulu kuchita *ichi* na kuchita *icho*, Nkhunda mbwenu yikunyamuka waka ulendo Wake ndipo penepapo yikuruta. Ntheura imwe mukuŵavye Uwu munthowa yiriyose. Sono, iyo ntha wali kutali chomene na imwe mlenji uwu, mpingo. Iyo wakhala nkhanira kuwaro uko pa munthavi wa mtende, kulindizganga kaŵiro kinu kuti kasinthike. Amen.

¹⁰³ Icho imwe mukusoweka muhanyauno ndi kuperekwa mafulu ghinu ghose, ndi kumuzomerezga Chiuta kuti wamugonekeni imwe passi na kudumurako mafulu ghinu ghose kufumako kwa imwe. Amen. Kasi imwe mungalingalira umo mwanamberere muchoko wakale, wose—weya wose kulenderanga pa iyo? Agho ndi mafulu ghake. Inya. “*Wefu, wefu, wefu.*” Wathukira, ndipo mbwenu wagonwa waka pa thebulu lakumumeterapo. Iwo wakumanya icho ntchiweme chomene kwa iyo. Kufumiskako mafulu ghake ghose kwa iyo na kudumurako weya wose uwu, umo iyo wakupulikira kuzizima na kupepuwa apo iyo wakuchimbira. Mwe, mwe, iyo ngwakukondwa, ndipo wakudukaduka ndipo wali na nyengo yiweme. Inya, bwana. Usange imwe mughalekenge mafulu ghinu, icho ndicho imwe mukusanga. Kwensi imwe mukwenera kuti mughaleke mafulu ghinu ndipo muzomerezge Mazgu gha Chiuta ghadumureko charu chose mwa imwe, kufumiskamo vizgôwezi vyose vya charu, ndipo imwe mukuzgoka chilengiwa chiphyâ mwa Khristu.

¹⁰⁴ Kuno nyengo yinyake kale, uko mu Africa, ine nkhayowoyanga kwa—kwa mutuwa wakale. Iyo wakati, “M’bale Branham, ine nkhumanya iwe ukugomezga mu chauzimu.”

Ine nkhati, “Nadi, m’bale wane.”

¹⁰⁵ Iyo wakati, “Virimika vyakunyuma ine nkhatemwanga kughanaghana kuti ine nkhaŵa munyake.” Wakati, “ine nkaghaganaghana kuti ine nkhaŵa Mukhristu wakufikapo.” Ndipo iyo wakati, “Ntheura kumtunda mu mpingo withu... Ine nkhayenera kukwera phiri, uko ine nkhayimika waka galimoto yane yichoko.” Ndipo wakati, “ine nkhayenera kukwera phiri pafupifupi, o, mayadi firi panji foru handiredi, na kuyenda kuzunguliranga vivwati na vinthu, kunyamukanga.” Ndipo wakati, “Ise tamkuŵa na ungano wa malurombo kumtunda kula.” Ndipo wakati, “ine nkaghaganaghana kuti ine nkhaŵa Mukhristu wakufikapo.” Iyo wakati, “ine nkhamanya Baibolo lose. Ine nkhasambira Chihebere chose. Ine nkhasambira kazunuriro kose kakwenerera ka Mazgu.” Ndipo wakati, “Munyake waliyose wakiza kwa ine, ine ningamanya” [M’bale Branham wakulizga njowe yake—Munozgil] “nkhayowoya kwa iwo ngati ntheura za Baibolo. Ine nkhamanya icho ine nkhayowoyanga.” Iyo wakati, “Usiku umoza ine nkharutanga ku tchalitchi. Mukâwa kukangana kukuru mu tchalitchi mwithu.” Wakati, “Mukâwa tumagulu tuchokotuchoko kulimbananga limoza na linyake. Imwe mukumanya umo utu tukuyambira.”

Ine nkhati, “Inya, bwana.”

¹⁰⁶ Iyo wakati, “Pa ulendo wane wakukwera phiri, ine nkhayendanga, ndipo mbwenu pa nyengo yimoza ine nkhazizimuka kuti munyake wakandirondezganga ine.” Ndipo iyo wakati, “ine nkaghaganaghana kuti ine ndimulindizgepo pachoko waka kwali ichi wakâwa njani, kuti tiyendere pamoa, ndipo ine mbwenu ndiyowoyenge kwa iwo pa kanyengo kachoko apo ise tikarutanga kukweranga na msewu.” Imwe mukumanya, icho ndi mtundu wa chinthu chiweme, iwe ulindizge waka kanyengo kachoko. Ndipo wakuti, “Apo ine nkhayendanga kukweranga phiri,” wakati, “ine nkhwonekera. Mwanarumi wakiza wakukwera phiri,” ndipo wakati, “Iyo wakâwa na mtolo pa msana Wake uwo ukaŵa ukuru chomene kuruska Mwanarumi uyu.” Ndipo wakati, “Iyo wakawêfukanga waka na kufwenkhuranga, na kupanganga waka masitepu ghafupighafupi, kuyezganga kuti wakwere. Ndipo ine nkhati, ‘Bwana, kasi ine ningamuvvirani Imwe kunyumura mtolo uwo kukwera phiri?’ Iyo wakati, ‘Yayi, ine nkhuynenera kuti ndinyamure uwu.’” Wakati, “ine nkhalawiska pa woko Lake,” nkhati, “ine pamanyuma nkhamanya kuti iyi yikaŵa mboniwoni. Iyo wakâwa na vimphata mu woko Lake.” Wakati, “ine nkhwawa pasi, ndipo ine nkhati, ‘Fumu, kasi Imwe mwanyamura zâkwananga za charu mu saka ilo?’ Iyo wakati, ‘Chara, Ine ndanyamura waka zako. Nkhuvwira waka iwe kukwera phiri, mwakuti iwe ungamanya kukwera phiri.’”

¹⁰⁷ Umo ndimo ichi chiliri. Usange ise tingalaŵiska waka zingirize, ise tiwonenge kuti Iyo wanyamura zithu. Kasi ichi

chikumupangani imwe kujipulika wachoko chara? Uheni withu, mtima wankhaza, pakuti waka ise tingamanya kuchita ichi!

¹⁰⁸ Kuno nyengo yinyake kale ine nkazengeranga. Umo imwe mukumanyira, ine nkutemwa kuzengera. Ndipo kukaŵa munthu wankhaza mu charu chira, iyo wakaŵa munthu wankhaza. Ndipo iyo wakatemwanga kundiseka ine chifukwa ine nkakhumbanga chara kulasa nyiska zanakazi panji wana ūa nyiska. Ine nkhati, “Ichi ndi nkhaza.” Ine nkhati, “Kasi iwe ukutondekerachi kuŵa wanadi, chiŵinda muweme na kulasa nyiska zanarumi zilara na vinthu ivyo ndi vilara ndipo viri pafupi kufwa? Chiuta wakapereka ivi kwa ise. Zilekeni zira zanakazi zimama zanichi na vinthu...”

¹⁰⁹ Iyo wakati, “Ah, iwe ndiwe wamantha, mupharazgi!” Wakarutirira kundiphaliranga ine ngati ntheura.

¹¹⁰ Ine nkhati, “Sono, wona, usange ine nkhaŵa na njara ndipo ine nkakhumbanga yomoza wa ūana ūara ūa nyiska, ine nkugomezga Chiuta wangamanya kundizomerezga ine kuŵa nayo uyu. Kweni kulasa waka uyu na kuwoneka wakuchenjera,” inya, iyo wangamanya kuzuzga ngolo. Ndipo iyo wakaruta ndipo wakajipangira chakuchemera, mtundu unyake wa pito, ndipo iyo wakamanyanga kulizga pito yura na kulizga nkhanira ndendende ngati kuchema kwa mwana wa nyiska. Zuŵa limoza ise tikaŵa mu thengere pamoza. Ine nkhamuchitira chitima iyo, ine nkhati, “ine mbwenu ndyichitirenge chitima ndamwene.” Wakakoma ūana ūanyiska eyiti panji teni nyengo yimoza, usange iyo wakakhumbenge, nyiska zanakazi na chirichose, kuchita waka mwakuchenjera, panji kudumura marundi ghakunyuma na kukaleka kose kagona apo. Ine nkhati, “Iwe ukwenera kuchita icho chara.”

“Ah,” wakati, “imwe wapharazgi ndimwe wamantha!”

¹¹¹ Zuŵa limoza iyo wakayimirira kuseri kwa vivwati, iyo wakatora pito uyu ndipo iyo wakachema, ndipo uyu wakapulikikwa ngati mwana muchoko wa nyiska wakulira. Para iyo wakati wachita waka icho, nyiska yanakazi yakutowa yikayinuska mutu wake, yikiza kuchimbirirako. Iwe ungamanya kuwona maso ghake ghakuru ghaswesi kulaŵiskanga. Iyo yikachuruskika. Iyo yikalaŵiskanga zingirizge. Chiŵinda wakagona pasi, wakatora futi yake kuti walase nyiska yanakazi. Ndipo nyiska yanakazi yikamuwona chiŵinda. Kweni, imwe mukumanya kasi, kulira kula kwa mwana wa nyiska, iyo yikayiwona chara futi yira. Iyo yikapenjanga mwana yura; iyi yikaŵa mu suzgo. Imwe wonani, kuwoneskera kukuru kula kwa umama weneko na chitemwa cha mama, kuti iyi yikamanya kulasika na futi yira pa maso, kuti yifwe, kulaŵiskanga pa icho mu payipi ya futi yira. Imwe mukumanya kasi, kuwoneskera kula kukawa kukuru chomene, ichi chikamukhwaska iyo, iyo wakaponya futi yake pasi! Iyo wakachimbirira kunyuma ndipo

wakandikora ine pa woko, iyo wakati, "Billy, ndirombere ine, ine chandikwana ichi!" Para iyo wakati wawona chiwoneskero cha chikanga cha mama!

¹¹² O, para charu chikuwona chiwoneskero cha chitemwa cha Chiuta, na chikanga mu mtima wa munthu, kasi iyi yiŵenye mphambano uli. Para ise tikuzomerezga Nkhunda ya Chiuta yifike ku mtima withu na kutipanga ise ūakufwasa, kutipanga ise ūakuzika.

¹¹³ Kula mu vivvati vyā makuni kunyuma kula, ine chiyimirire kula kumuromberanga mnyamata yura, ine nkhamurongozgera iyo kwa Fumu Yesu. Kufuma nyengo yira na kunthazi, iyo wakaŵa muweme, chiŵinda muweme.

¹¹⁴ Nadi, iyo wakaghanaghana kuti iyo wakaŵa nawo ufulu, iyo wakachitanga icho iyo wakakhumbanga. "Wantheura wâli pa malo ghane, iwo ūakurya alfalfa kusika kula usange iwo ūakukhumba kuchita."

¹¹⁵ Ine nkhati, "Uwo mbunenesko, kweni ndi unthu chara kuchita icho." Imwe mukwenera kuti mughaleke maufulu ghinu. O Chiuta, mutilengere lusungu, kuti ise tichitenge.

¹¹⁶ Kuno nyengo yinyake kale, mu, o, pafupifupi virimika handiredi vyajumpha, kukaŵa Mukhristu mukuru wakakkhalanga kuzambwe kwa kumwera mu United States. Zina lake wakaŵa Daniel Curry, mwanarumi muweme, mwanarumi wauchiuta, mwanarumi mutuŵa, Mukhristu mweneko, mwanarumi uyo waliyose wakamughanaghana chomene, munthu muweme wantheura. Ndipo nkhanî yikurutirira, kuti iyo wakafwa panji iyo wakanjira mu muzgerere wauzimu, ndipo iyo wakati...apo iyo wakakweranga Kuchanya, nkhumanya, para iyo wakati wafwa. Ndipo para iyo wakati wafika ku vipata vyangale, mlonda wakiza ku muryango, wakati, "Kasi ndiwe njani iwe?"

¹¹⁷ Iyo wakati, "ine ndine muneni, Daniel Curry, ine ndiri kutorera masauzandi gha mauzima kwa Khristu. Ndipo ine ndiri...Ine nkukhumba kuti ndinjire mlenji iwu. Ulendo wa umoyo wane wamara pacharu chapasi, ine ndirije malo kwakuruta sono."

¹¹⁸ Umo ndimo ichi chizirenge kwa iwe mlenji unyake, wakwananga. Umo ndimo ichi chizirenge kwa iwe, wakuwerera kunyuma. Umo ndimo ichi chizirenge kwa iwe wamweneiwe wakwenyerezga Mzimu Mutuŵa wafumapo pa iwo, ntha uliso wakufwasa na wakuzika munthowa yiriyose. Iwe ntha uli kulira pa virimika. Iwe ntha uli kuchita soni, pakuti ine nkhumanya chara kasi mphauli. Kujikhizga kose kuli kumara mwa iwe. Nadi. Kweni ichi chizamkufika ku muryango wako umoza wa milenji iyi. Ndipo apo Mzimu Mutuŵa wakufwasa wakwiza na kukhung'uska, kasi iwe ulekerengechi kumujurira Iyo wanjire?

¹¹⁹ Ntheura para Daniel Curry wakati wafika kula ku—ku—ku chipata, iwo wakanjira, wakati, “Ise tiwonenge usange zina lako lirimo umu.” Iwo wakapenja palipose, iwo ntha wakalisanga zina. Wakati, “Chara, mulije Daniel Curry umu.”

¹²⁰ “O,” iyo wakati, “nadi!” Wakati, “ine ndine muneni.” Iyo wakati, “ine ndiri kutorera mauzima kwa Khristu.” Wakati, “ine ndiri kuyezga kuchita chinthu icho chikaŵa chakwenerera.”

¹²¹ Mlonda wakati, “Bwana, ine ndiri na chitima kumuphalirani imwe, kweni mulije Daniel Curry umu.” Wakati, “ine ndimuphalireninge imwe icho imwe panji mungachita.” Wakati, “Ise tirije mazaza kuno kuti tiwutore mlandu winu.” Iyo wakati, “Kweni kasi imwe mukukhumba kuti mukadandaule mlandu winu? Imwe mungamanya kukadandaula ichi ku Cheruzgo cha Chizumbe Chituŵa, usange imwe mukukhumba.” Kweni wakati, “Ise tirije lusungu kuno lwa imwe, chara nadi, chifukwa ise tirije la imwe apa. Palije lusungu kwa imwe.” Wakati, “Kasi imwe mukukhumba kukadandaula mlandu winu?”

Iyo wakati, “Bwana, kasi chinyake ntchivichi ine ningachita kweni kukadandaula mlandu wane?”

¹²² Iyo wakati, “Inya, ntheura, imwe mungamanya kuruta ku Cheruzgo cha Chizumbe Chituŵa ndipo mungakadandaula mlandu winu kula.”

¹²³ Daniel Curry wakayowoya kuti iyo wakajipulika iyomwene wakwenda kujumpfa mu chigaŵa pafupifupi ora limoza. Wakati iyo wakanjira mu malo, uku kukayamba kuŵara, kuŵara, kuŵara, kuŵara. Wakati, mwakurutirira iyo wakaruta, kuŵara kukakuranga. Uku kukaŵa kwakujumpfa handiredi, kuŵara kwandaniska masauzandi kuruska umo zuŵa likaŵalira. Ndipo wakati iyo wakanjenjemanga, kunjenjemanga. Ndipo wakati, para iyo wakati wafika mkatikati mwa Kuŵara kula, iyo wakapulika Lizgu kuti, “Kasi iwe ukawa murunji pacharu chapasi?” Wafika waka mu a—Kuŵara.

Iyo wakati, “Chara, ine nkhaŵa murunji chara,” wakanjenjemanga.

Likati, “Kasi iwe nyengo zose ukuchita mwakugomezgeka na waliyose?”

¹²⁴ Wakati, “Chara.” (Wakati, “Vinthu vichoko vikafika ku malingaliro ghane kuti ine ntha nkhaŵa nkhanira wakugomezgeka.”) Wakati, “Chara, ine—ine—ine nkhusachizga kuti ine nkhaŵa wakugomezgeka chara.”

Likati, “Kasi iwe ukayowoya unenesko mu nkhanzi yiriyose, mu umoyo wako?”

¹²⁵ Wakati, “Chara. Ine nkukumbukira vinthu vinyake ine ndiri kuyowoya, ivyo ntha vikaŵa vyauenesko...ivyo ntha vikaŵa vyauenesko chara. Ine—ine—ine—ine ntha nkhaŵa muneneska mwakufikapo nkhanira.”

¹²⁶ Wakati, “Ntheura, kasi iwe ukatorapo chinyake icho ntha chikawâ cha iwe, chirichose, ndalama, chinyake chirichose icho ntha chikawâ cha iwe?”

¹²⁷ Wakati iyo wakaghanaghana kuti pa charu chapasi iyo wakawâ muweme chomene, kweni iyo wakasuskika. Wakati, “Chara. Chara, ine ndiri kutorapo vinthu ivyo ntha vikaânya ine.”

Iyo wakati, “Ntheura iwe ntha ukaâ muneneska.” Iyo wakati, “Chara, ine nkhaâ muneneska chara.”

¹²⁸ Wakati iyo wakakhazganga miniti yiriyose kuti wapulikenge kupuntha kuti kufikenge kufuma mu Kuâwara kukuru kula uko Nkhunda yikakhala, “Wasuskika!” Wakati, nkhanira penepapo iyo wakapulika Lizgu kunyuma kwake, ilo likaâwa lakunowa kuruska lizgu la mama waliyose iyo wakapulikapo. Wakati iyo wakang’anamuka kuti walaâiske. Ndipo chisko chiweme chomene icho iyo wakachiwonapo, chiweme kuruska chisko cha mama munyake waliyose, wakayimirira panthazi pake. Ndipo wakayowoya Iyo wakati, “Wadada, Daniel Curry wakandiyimira Ine pa charu chapasi. Ichi ndi unenesko, iyo ntha wakaâ murunji, kweni iyo wakandiyimira Ine. Iyo wakandiyimira Ine pa charu chapasi, sono Ine ndimuyimirenge iyo Kuchanya. Torani kwananga kwake kose ndipo âwikani pa buku Lane.”

¹²⁹ Kasi ndinjani wazamukukuyimira iwe pa zuâwa lira, m’bale, usange iwe ukumukwenyerezga Iyo kumuchimbizga kwa iwe muhanyauno? Ine ningarutirira chara kupharazga munthowa yiriyose. Tiyeni tisindamiske mitu yithu.

¹³⁰ Chiuta wakutemweka, Mwanamberere wakutemweka wakufwa, wakuzika, wakujikhizga, mupusu. Tuyuni tukaâwa na vivwimbo, ndipo âwakambwe âwakâwa na khululu, kweni Imwe mukaâwavye malo, ndipo, kweni, Fumu yeneyira ya Uchindami! Para Imwe mukababika, iwo ntha âwakâwa na malaya ghalighose kuti âwamuvwarikeni Imwe. O Chiuta, kasi malaya ghane ghakundichitira chiweme uli ine? Kasi magalimoto ghane ghakundichitira chiweme uli ine? Kasi nyumba yiweme yikundichitira chiweme uli ine? Kasi ntchiweme uli ichi chizamkuchita mu zuâwa lira? Imwe mukaâwavye wakumutemwani; kukaâwavye yumoza wakamanya kumutemwani Imwe. Pakaâwavye munyake wakawoneka kuti wakakhumba kuti wamuvwireni Imwe. Imwe mukayowoya kuti zuâwa lira Imwe muzamkuti, “Ine nkhaâwa na njara, imwe ntha mukandiryesa Ine. Ine nkhaâwa nkholi, imwe ntha mukandivvarika Ine.” Kasi ntchiweme uli cha vyose ivyo ise tiri navyo chizamkutichitira pa zuâwa lira, Fumu? Tizomerezgeni ise timuyimireni Imwe, mwantheura kuti para ora lira lafika ndipo ise tikunjira mu Kuâapo Kwake, wankhongono zose, wakusangika palipose, wakuma-... O Chiuta, para ise tikuyipulika Nkhunda yira, na mapapindo

Ghake wakhala kunyuma kula mu Kuŵara kukuru kula, Uku kuzamkuŵalira mu Umuyaya wose. Penepapo, Imwe mukukhala mu Kuŵara!

¹³¹ “Para ine nkuyenera kuzakayimirira kula pa inendekha, m’bale wane waruta, mliska wane waruta, amama wane waruta, adada wane waruta, muwoli wane waruta, wana wane waruta, O Chiuta, kasi ine ndizamuchita vichi pa nyengo yira, Fumu? Kasi ine ndizamuchita vichi pa nyengo yira? Ndipo icho panyake chiwengeko pambere zuŵa lindanjire usiku uwu. Kweni kasi ine ndizamuchita vichi? Kasi ine ningachita vichi? O Khristu, ine ndimuyimirenge Imwe sono! Ine ndipangenge chisankho chane muhanyauno. Ine ndilekenge vyakuyowowoya vyane vyose za wanthu wanyake. Ine ndilekenge ukali wane wose. Ine ndilekenge kulekana kwane kose. Ine ndilekenge chirichose. Ndipareni ine, Fumu, fumiskaniko vyose ine ndiri navyo. Imwe munditore waka ine, Fumu. Ine—ine—ine nkukhumba kuti ine ndiyimirire mu malo Ghinu. Ine nkukhumba kuti mundipare. Ine nkukhumba uzukusi wose, kunyada kose, kuleka kupwerera kose, fumiskaniko waka vyose kwa ine. Ntheura ine nkukhumba kuti ndimuyimireni Imwe, ngati mwanamberere wakuparika weya, wakunozgeka kuleka vyakusekereska vyose ivyo iwo wakuchema vyakusekereska vya umoyo, magule ghose, maphwando ghose, malaya ghakale ghose ghaukazuzi, vyakujiphodaphoda, vyakuphaka pa milomo, polishi wa mu njowé, vyose viheni ivi ivyo vikuwoneka ngati vyacharu. Imwe mukati, ‘Ntha ungachitanga ngati charu. Ntha ungayendezgananga na charu. Fumapo pakati pawo!’ O Chiuta! Ndivwireni ine, Fumu. Ndipareni ine muhanyauno. Nditoreni ine ngati mwanamberere ndipo ndizomerezgeni ine ndiŵe mbuwu, ntha ndijure mlomo wane, ntha kuyowoya chirichose za ichi, kuyimirira waka na kuparika.”

¹³² O Chiuta, ndi mphambano uli ichi chikupanga! Ine nkukumbukira para Imwe mukandipoka ine kale, mukatora muwoli wane, mwana wane, dada wane, na munung’una wane. Imwe mukandimeta ine mbe. Kweni, mu mtima wane, ine nkhamanya ine nkhamutemwani Imwe. Umo Imwe muli kunditumbikira ine! Umo Imwe muli kuŵira muweme! Chose icho ine ndiri, chose icho ine nkhamanya kuŵa, chose icho ine nkhaŵa; ichi Ndimwe, Chiuta, ichi Ndimwe. Ine nkuzomerezga kwananga kwane, ine nkuzomerezga chose icho ine ndiri kuchita panji nkaghaghanaghana. Dumaraniko waka kwa ine, Fumu, ine nkukhumba kuti ndiŵe mwanamberere Winu.

¹³³ Ntha icho pera, Fumu, kweni torani munthu waliose muno mlenji uwu, mberere yiriyose, na iwo weneawo wakhumbenge kuŵa mberere, dumuraniko vyose kwa iwo, mlenji uwu, Fumu. Wikani marundi ghawo ghakhozgeke na Ivangeli. Mphanyi Mzimu Mutuŵa waŵarongozgere iwo ku kurapa sono nthena, kumanya kuti iwo wakaŵa wâmbura kupwerera vya Chiuta.

Ndipo mphanyi Iyo wangudumurako uheni wose, charu chose na vinthu vyose vya charu. Imwe dumuraniko chose ichi mlenji uwu, Fumu, mwakuti ise tingamanya kuyimirira wâkufwasa na wachete panthazi Pinu, ngati Wakhristu-wâkubabikaso. Perekani ichi, Fumu.

¹³⁴ Ine nkhumutemwani Imwe. Ine nkhukhumba kuti ndirute, palije kanthu kwali mphepo ndi zakotcha, kwali ine nkhuwona kukhumba panji chara. Ine nkhukhumba kuti ndirute. Ine nkhukhumba kuti ndimuyimireni Imwe, chifukwa ine nkhukhumba kuti Imwe mukaweyerere mlandu wane zuwa lira, kuti, "Inya, iyo wakandiyimira Ine, sono Ine ndimuyimirengi iyo." O Chiuta, perekani ichi muhanyauno.

¹³⁵ Ndipo apo mutu uliwose ngwakusindama, ndipo mtima uliwose ngwakusindama. Ine nkhumanya chara mlenji uwu usange walimo munyake muno uyo wakumanya kuti iwe ukayezga kuti uwe na nthowa yako wamwene, iwe ukapanga vinthu ivi ivyo iwe ntha ukayenera kuchita, ndipo iwe ukuwona waka mlenji uwu kuti iwe ukukhumba kuti Fumu yidumureko kwa iwe, ndipo yowoya, "Ndipangeni ine mwanamberere mweneko," uli iwe ukwezge woko lako. Chiuta wakutumbike iwe, dona. Chiuta wakutumbike iwe, m'bale. Chiuta wakutumbike iwe, m'bale. Munyake wayowoye, "Dumuraniko kwa ine, Fumu, ine ndayimirira. Ine ndine mberere. Ine ntha ndijurenge nanga ndi mlomo wane, ine nkhukhumba waka kuti Imwe mudumureko charu chose kwa ine." Chiuta wakutumbike iwe, m'bale. Chiuta wakutumbike iwe, dona. Chiuta wakutumbike iwe, mwana mnyamata. Chiuta wakutumbike iwe, dona. Chiuta wakutumbike iwe, mlongosi. "Ndimeten'i ine, Fumu." Mlongosi Gertie. Ndipo Chiuta wakutumbike iwe, dona. Chiuta wakutumbike iwe, mlongosi. "Dumuraniko kwa ine, Fumu. Ine—ine nkhukhumba vinthu vyose vya charu... Ine nkhukhumba kuti ndimuyimireni Imwe mlenji uwu. Ine nkhukhumba kuti ine ndiyimirire ngati mberere yakudumurika weya. Ine nkhukhumba kuti vinthu vyose vya charu vidumurikeko kwa ine. Ine nkhukhumba kuti ndiwe Winu ndipo Imwe muwe wane. Kasi Imwe mundipokererenge ine, Fumu, apo ine nkhukwezga woko lane kwa Imwe?" Chiuta wakutumbike iwe, dona. Chiuta wakutumbike iwe, bwana. Chiuta wakutumbike iwe. Chiuta wakutumbike iwe, bwana. Chiuta wakutumbike iwe, bwana. Chiuta wakutumbike iwe, dona. Chiuta wakutumbike iwe, dona. Ine naghawona ghako. Chiuta wakutumbike iwe, m'bale wane. Chiuta wakutumbike iwe, dona muchoko. Icho ntchiweme. Chiuta wakutumbike iwe kunyuma uko, mama. Chiuta wakutumbike iwe, mlongosi. Icho ntchiweme, uwe waka muneneska. "Ine nkhukhumba kuti Chiuta wafumiskemo vyose mwa ine ivyo ntha viri ngati Iyo, vyakukhumba vyose vya uzukusi ine ndiri navyo, viheni vyose ine ndiri navyo. Ine nkhukhumba kuti Iyo wadumureko kwa

ine vyose, mlenji uwu. Ine nkhukhumba kuti ndiwe ngati Iyo. Ine nkupwerera chara kwali agho ndi mafulu panji chara; ine ndirije mafulu. Ndiri na ufulu umoza pera, ndipo icho ndi, kwiza kwa Iyo. Iyo wakutora vinyake vyose.”

¹³⁶ Kasi walimo wakwananga muno uyo nakale ntha wakamuzomera Khristu, ntha wali kuponoskeka, ndipo iwe ukukhumba kuti ukumbukirike mu lurombo ili mlenji uwu, uli iwe ukwezge woko lako, mubwezi wakwananga? Chiuta wakutumbike iwe. Yumoza munyake kwezga woko lako, yowoya, “Mundikumbukire ine, M’bale Branham. Ine ndine Mukhristu chara, ndipo ine ntha nkhumanya kasi ndi nyengo uli apo ine nkhuyenera kukakumana na Chiuta. Ndipo ine—ine nkhukhumba kukumbukirika sono nthena mu lizgu la lurombo, apo imwe mukujara.” Inya, kasi iwe ukwezgenge woko lako kuti ine ndikurombere iwe? Iyo wakulaŵiska. Chiuta wakutumbike iwe, dona muchoko. Chiuta wakutumbike iwe, dona. Chiuta wakutumbike iwe, bwana. Yumoza munyakeso, “ine nkhukhumba kuti ndiwe, ine nkhukhumba a . . .”

¹³⁷ Kasi mbalinga muno awo mbakuwerera kunyuma? “O,” imwe mukuti, “ine ningazomerezga chara icho, M’bale Branham.” Kweni, lawiskani, usange Nkhunda yira ya kuzika yafumako kwa iwe, m’bale, pali chinyake chakwanangika. Pali chinyake chakwanangika para iwe ungazipizigirana chara yumoza na munyake. Para iwe ntha ungamugowokera munthu waliyose kufuma kusi nkhanira kwa mtima wako, palije kanthu kwali iwo wali kuchita vichi panji icho iwo wali kuyowoya, usange iwe ungaŵagowokera chara iwo kufuma kusi nkhanira, Yesu wakati, “Usange iwe ntha ukumugowokera munthu waliyose kwananga kwake, kufuma mu mtima wako, nesi Wadada wako Wakuchanya wakukugowokera iwe.”

¹³⁸ Sono, uli usange, mphepo zakotcha izi, uli usange Chiuta wangakuchema iwe? Apo Mbwiwi njakujurika, mpingo wanozgeka, Mzimu Mutuŵa wakhala muno paumaliro pa gebura la nyumba iyi, wanozgeka kuti wakhirire nkhanira pasi na kwiza mu mtima wako na kukupanga iwe wakufwasa na wamtende. “Kasi ine ndichite vichi, M’bale Branham?” Zgoka waka uŵe mwanamberere. Mzimu Mutuŵa wafike nadi para iwe wazgoka kuŵa mwanamberere. Kweni usange iwe uli na vyakukhumba vyakwanangika, yakwanangika—fundo yakwanangika, ukukhumba kuti uŵe na nthowa yako wamwene, ndipo ntha ukukhumba kuleka ichi, ntheura Mzimu Mutuŵa ntha wafikenge.

¹³⁹ Sono na mitu yithu yakusindama, ine nkhumanya chara usange wanyake mwa imwe mwakwezga mawoko ghinu... Sono, Yesu wakati, “Iyo mweneuyo wakupulika Mazgu Ghane ndipo wakugomezga pa Iyo uyo wakandituma Ine, wali na Umoyo wamuyirayira, ntha wazamkunjira mu cheruzgo kweni wajumpha nyifwa wakufika ku Umoyo,” Yohane Mutuŵa 5:24.

Kweni sono usange iwe ukukhumba kuti ufile ku guwa, gwada pasi apa, tiyeni tirombe pamoa mpaka kakufwasa kala, kapulikiro kamtende ako iwe kale ukawá nako, panji ukukhumba kuti uwé nako, kakwizaso kwa iwe. Apo ise tanguwa na mitu yithu yakusindama, apo ise tikwimba, *Kuli Mbwiwi Yakuzura Na Ndopa*, ine nkukhumba kuti iwe ufile, gwada pasi ndipo tirombe. Waliyose sono uyo wakukhumba kuti wafike, gwadani pasi apa pa guwa ndipo rombani pa kanyengo.

Kuli Mbwiwi yakuzura na Ndopa,
Kufuma ku Misempha ya Emmanuel,
Ndipo Wakwananga Wakunji...

Chiuta wakutumbike iwe, dona, zanga nkhanira kumtunda ndipo gwada pasi.

Wakutaya...

¹⁴⁰ Na mitu yinu yakusindama, umo ine nkugomezgera imwe mwachita mu mtima winu. Imwe mwaŵeneimwe mukumumanya uyo wakutondeka kujikora mu nthowa muhanyauno, chikwenera kumupangiskani soni mwaŵene? Mwanakazi mufipa, kanthu kachitima, tukasinginini twakutupa, sisi lanyivvi, wakwenda kuruta ku guwa.

¹⁴¹ Kuno nyengo yinyake kale, munthu mulara mufipa wakaponoskeka, mu nyengo ya wazga. Iyo wakaruta, ndipo apo iyo wakawá wakaponoskeka, iyo wakaphalira bwana wake kuti iyo wakawá mwanangwa. Iyo wakati, "Iwe ndiwe vichi?"

Wakati, "ine ndine mwanangwa." Ntheura iyo wakamuzgora iyo mwanangwa.

¹⁴² Apa pakwiza gulu linyake la wantru kwizanga kupukwa chiponosko mlenji uwu. (Wakati iyo wakawá mwanangwa.) Waliyose mu kuromba, ndipo rombaninge mwankhongono usange imwe mungachita, apo Mzimu Mutuwá wakuchita na wantru awo Wakupanga vigamuro.

Iyo wakati, "Mose, kasi iwe ukuyowoya kuti iwe ukawá mwanangwa?" Wakati, "Inya, bwana, bosi. Ine ndine mwanangwa."

¹⁴³ Wakati, "Usange iwe ndiwe mwanangwa, ntheura ine ndikuzgorenge iwe mwanangwa, naneso. Ruta ukapharazge Ivangeli."

¹⁴⁴ Para iyo wakati wanozgeka kuti wafwenge, wabale wakandu wazungu wakiza kuzakamuwona iyo, ndipo para iwo wakati wachita, iyo wakati, wakaghanaghana kuti iyo wakawá mu kukomoka. Para iyo wakati wawuka, iyo wakati, "ine nangughanaghana kuti ine ndaruta." (Chiuta wakutumbike iwe, mbale wane, gwada waka nkhanira pasi, apo.) Wakati, "ine nangughanaghana kuti ine ndaruta kale."

Wakati, "Kasi iwe wanguwona vichi, Mose?"

¹⁴⁵ Iyo wakati, “Para ine nanguti nanjira mu chipata, ine nangumuwona Iyo.” Wakati, “ine nanguimirira, kulaŵiskanga kwa Iyo.” Ndipo wakati, “Panguŵa Mungelo wangwiza ndipo wanguti, ‘Zanga, Mose. Iwe ukapharazga Ivangeli virimika vinandi, iwe uli na munjurira na mphumphu vikukulindirira iwe.’” Iyo wakati, “Ntha ungayowoyanga kwa ine za munjurira na mphumphu. Ine ntha nkukhumba munjurira na mphumphu. Ine nkukhumba waka kumuwona Iyo.” Ine nkughanaghana ako ndi kachitiro ka Mukhristu waliyose.

¹⁴⁶ Kuno nyengo yinyake kale, kumtunda nkhanira kuwaro kwa Chicago, ine nkhaŵa mu nyumba yamaseŵero, nyumba yakusungiramo vyakale, mphanyiko, ndipo ine nkhalawiska palipose zingirizge mkatı mula. Ine nkhwona mu Negro muchekuru, kamzere kachoko ka sisi lanyivwi mumphepete mwa mutu wake, wakazunguliranga chakudera kula, na chipewa chake mu woko lake. Ine nkhamulawiska iyo. Iyo wakalingizga mu malo ghachoko, ndipo iyo wakadukira kunyuma, ndipo masozi ghakayamba kukhira mu matama ghake ghafipa ghachekuru. Iyo wakayamba kupemphera. Ine nkhamulawiska iyo pa kanyengo kachoko. Iyo wakalaŵiskakoso, wakayambaso kulira. Ine nkhasurerera kwenekula ndipo ine nkhati, “Bwana.”

Iyo wakati, “Inya, mubwezi mzungu?”

Ine nkhati, “ine nkhuwona iwe... Ntchivichi changukusanguruska chomene nttheura? Ntchichi icho iwe wangusanguruskika nacho chomene?”

¹⁴⁷ Iyo wakati, “Bwana, usange iwe unganikhwaska ine kulwandi kwane, ine ndiri na vimphata kulwandi kwane.” Wakati, “ine kale nkhaŵa muzga.” Iyo wakati, “Mu kabokosi kachoko ka galasi aka umu, icho ndi chakuvwara chiri apo.”

Ine nkhati, “ine nkhuwona ichi ndi chakuvwara, kweni kasi chachilendo chomene ntchivichi za icho?”

¹⁴⁸ Iyo wakati, “Kadontho ako apo,” wakati, “izo ndi ndopa za Abraham Lincoln.” Wakati, “Ndopa zira zikafumiskapo lamba wa uzga pa ine.” Iyo wakati, “Sono, mzungu, kasi ichi chingakusanguruska chara iwe, naweso?”

¹⁴⁹ Ine nkhaŵika mawoko ghane kuzungulira singo lake lichekuru, ine nkhati, “Chiuta wakutumbike iwe, m’bale. Ine nkhumanya Ndopa zinyake zikundisanguruska ine.”

Iyo wakati, “ine nkuzimanya Ndopa zira, naneso, bwana.”

¹⁵⁰ Ine nkhati, “Iyo wakafumiskapo lamba wa uzga pa ine.” Nyengo yimoza ine nkharutanga pa Sabata na kuchimbirachimbira na kuchita viheni, na kuyowoya nthwabwara zaukazuzi. Ndipo, O Chiuta, kasi ine nkachita uli ichi? Mabamba ghachaliko ndithu kusi mu mtima wane uko ine nkachita ichi. Kweni ine ndiri wakukondwa kuti Iyo

wakafumiskapo lamba pa ine. Ichi chose chiri kumara sono, Iyo wakayimirira mu malo ghane.

¹⁵¹ Kuno nyengo yinyake kale, nkhalaŵiskanga mwanakazi, ndipo iyo wakaŵa mukazuzi chomene ndipo ine nkhakhumbanga kuti ndimususke iyo. Chiuta wakandipa mboniwoni ine. Ine nkhamurombera iyo nyengo yeneyira, pakuti ine nkhawona kuti zakwananga zane zikawa waka zikuru ngati zake. Ndipo ine nkhasurerera kufupi ndipo nkhakhala pasi pafupi na iyo ndipo nkhamuchitira chitima iyo, nkhamuphalira iyo kuti ine nkhawa mupharazgi. Wabwezi wake wānarumi wāwiri... Iyo wakaŵa pafupifupi sikisite-fayivi panji sevente, wabwezi wake wāwiri wānarumi wākagwada pasi apo, ndipo iwo wose wākapereka mtima wawo kwa Khristu. O, mwe, mphambano uli!

¹⁵² Uchitenge chara iwe? Kasi iwe wananga waka chomene ntheura, mlenji uwu, kasi iwe uli waka na mtima wako ufiwa chomene ntheura na wakubinkha mpaka nanga ndi Mzimu Mutuŵa ntha ungamanya kuwukhwaska uwu? Panyake Nkhunda yanyamuka ulendo Wake Wamuyirayira, UWU waruta muyirayira.

¹⁵³ Chiuta wakutumbike iwe, wakutemweka. Msungwana muchoko wakwenda wakwiza. Chiuta wakutumbike iwe, wakutemweka. Imwe mukuti, “Msungwana muchoko uyo wakumanya chara.” O, inya, iyo wakuchita. Iyo ntha wali kuŵazga waka magazini ghanandi na nkhani za chitemwa umo imwe mose muli kuchitira. Ilo ndilo ndi suzgo, iyo ndi mwanichi. Yesu wakati, “Wazomerezgeni wāna wāchokowachoko wafike kwa Ine.”

¹⁵⁴ Munyake wakukhumba kuti wafike, watijoyine mlenji uwu? Guwa liri mwazi. Kanyengo waka kanyake, ntheura apo ise tikwimbaso, ntheura ise tiperekenge lurombo apo wākwananga wākurapa aŵa wākuomba.

Mukhungu wachitima wakasekerera kuwona
 Mbwiwi yira mu... (Nadi, chirichose
 chikamara, munthu wachitima wakamara.)
 Ndipo kula mphanyi ine, nangauli muheni umo
 iyo...

¹⁵⁵ Kasi imwe mufikenge chara kuno sono? Kasi imwe mufikenge chara, imwe mwaŵeneimwe mukumanya makora? Baibolo likati, “Usange iwe ukumanya kuchita chiweme, ndipo ukuchita chara ichi, kwa iwe ichi ndi kuruska kwananga.” Ufikenge chara iwe? Iwe ukumanya kuti iwe wananga. Yamba ulendo wako ndipo gwada pasi pa guwa, ndipo muphalire Chiuta kuti iwe ukuphepiska pa umo iwe wachitira kwa Iyo. Zomerezga Mzimu Mutuŵa wafike ndipo wakupange iwe wakuzika na wakufwasa na wachete kamozaso. Uchitenge chara iwe? Kumbukira, usange iwe wafwa, ndipo Iyo wafumako

kwa iwe, kulije munyake waŵeyererenge mlandu wako. Iyo wakukhumba iwe kuti umuyimire Iyo mlenji uwu. Chiuta wakutumbike iwe, m'bale wane.

¹⁵⁶ Tikulindizga. Kasi ndi iyi, fifitini pera mu tchalitchi imwe nadi mukuwona kuti imwe mwasuskika? Imwe mwakhala umoyo wamtende, wakuzika, wakufwasa, umoyo wachete? Sono, ichi chalangurika na Mzimu Mutuŵa. Iwe ukugowoka, ulije ŵarwani? Ukukhala umoyo wakale, kujumpha kususkika kwa ŵakwananga? Iwe ntha ukukhala ngati ndi wakuwura kugomezga, iwe ukukhala umoyo wakulekana? Umoyo wako wose ukulinganizgika mwakulekana? Mzimu Mutuŵa wakufwasa wakhala pa chizumbe cha mtima wako, kukupanga iwe kukhala umoyo wa mtende na wakuzika na wakutemwa, pakati pa ŵanthu? Ŵazengenzgani ŵako na wose ŵakumanya, ndipo ſabwezi ūako wose ūakumanya, kuti iwe ndiwe wakufwasa, wachete, wakuzika, Mukhristu wakujikhizga? Nkhunda ya Chiuta yiri na iwe? Iwe ukuneneska? Uwu panyake ungaŵa mwaŵi wako waumaliro. Viri makora.

¹⁵⁷ Ntheura kwa imwe apa pa guwa, Chiuta wamutumbikeni imwe. Imwe ntha mukwenera kuti mweruzgike sono. Mzimu Mutuŵa waperekha cheruzgo kwa imwe. Ndipo imwe ntha mukayezga kukanirira mafulu ghinu, kuti, “O, ine ndiri kuŵa Mukhristu nyengo yitaliko. Ine ntha nkhujenera kuti ndirute.” Ŧanyake ūa imwe, nyengo yinu yakudanga kuti muŵe pa guwa. “Ine ningamanya kukhala wakwananga usange ine nkukhumba kuchita, uwo ndi ufulu wane.” Inya, uwo mbunenesko. Iwe uli na kusankha kwambura kuchichizgika, iwe ungamanya kuchita munthowa yiriyose iwe ukukhumba kuchita. Kweni imwe mwangughaleka mafulu ghinu mlenji uwu. Mukuti, “Kasi iwo ſayowoyenge vichi, ine kuyowoyanga Chikhristu ndipo pamanyuma kurutanga ku guwa, kasi iwo ſayowoyenge vichi?” Kweni kasi Chiuta wakuyowywa vichi? Iyo wakamuphalirani imwe kuti mufike, ndipo imwe mukachita ichi. Sono imwe mukaghaleka mafulu ghinu, imwe mwafika kuti mupokere Mzimu Mutuŵa wakufwasa kuti watore malo Ghake mu mtima winu muhanyauno. Ine nkhumanya Iyo wachitenge ichi. Ine nkhumanya Iyo wachitenge. Iyo wakalayizga kuti Iyo wachitenge. Kula, UWU ungtondeka chara kuchita ichi, ungtondeka chara kufika. Iyo wakamuŵeyani, wakulira, wakafwa, na chinyake chirichose, kuti wasange malo ghakuti wakhalepo, kukhumbanga kuti wafike kwa imwe.

¹⁵⁸ Ndipo mu maora ghinu gha nyifwa, para mungelo wa nyifwa wakhala ku umaliro wa bedi, m'malo mwakulaŵiska kuwaro kula pa chinthu chakofya, ndipo ukumanya kuti iwe ukakana kwiza nyengo yimoza, ndipo pamanyuma uzima wako wazgoka ufiwa na wakubinkha, nyengo yamara, palije kanthu kwali iwe ukachemerezga mwankhongono uli. Esau wakachita kwananga kukuru kwananga kwake kwa wezi... zuŵa lake la

wezi, mphanyiko, ndipo ntha wakasanga mwâwi. Iyo wakalira chomene, kuyezganga kuti wasange malo kuti wanozge ichi, kweni iyo wakatondeka kuchita ichi. Chiuta wakamuchema iyo nyengo yaumaliro.

¹⁵⁹ Kwени imwe mwaleka mafulu ghinu ghose na âwabwezi âwinu wose, na kapulikiro kinu kose na chirichose, mlenji uwu, kuti mufike kuno. Imwe mukaghaleka mafulu ghinu, kuti mugwade pasi apa na kuyowoya kwa Chiuta. Ine nkhumuphalirani imwe mwa Mazgu gha Fumu, kuti Khristu wakati, "Iyo mweneuyo wakwiza kwa Ine, Ine munthowa yiriyose ntha ndimutayenge iyo." Sono apo imwe muli uko pa guwa, rapani, muphalireni Iyo kuti imwe mwananga kuti imwe mukachita icho imwe mukachita.

¹⁶⁰ Ndicho chifukwa âwanthu ntha âwakupokera Mzimu Mutuâwa para iwo âwabapatzika, iwo ntha âwakurapa mwakukwanira. Chiuta wakuyezga kuti waâwape iwo Mzimu Mutuâwa. Iyo wakukhumba imwe kuti muwe âwakuzika na âwakufwasa na wachete. Ndicho chifukwa imwe mukurutirira kukhala na uzukusi weneula mu mtima winu. O, imwe panji munganyamuka, kuchemerezganga, kuyowoyanga malilime, panji chinyake, icho ntha chimupangeninge imwe kuwa na Mzimu Mutuâwa. Imwe mukwenera kuti munyamuke kufuma apo munthu wakulekana. Imwe mukwenera kuti munyamuke kufuma apo, wakufwasa, wachete na wakuzika, wakujikhizga, ndipo Mzimu wa Chiuta kukhalanga na imwe. Chirimika chikwiza, laâwiskani kunyuma mu nthowa ndipo wonani apo imwe mwafika, wonani imwe mukuruta munthazi nyengo yiriyose. Uwo ndi Mzimu Mutuâwa. Mzimu Mutuâwa ndi chitemwa, chimwemwe, mtende, kupirira, kuzika, kufwasa, chizipizgo, chipulikano. Sono, rapani waka ndipo muphalireni Chiuta kuti imwe mukukhumba icho sono nthena. Iyo ndi... Iyo wachitenge icho.

¹⁶¹ Msungwana muchoko, iwe uko, wakutemweka, iwe uchite chinthu chenechira. Wakutumbike iwe. Mama wako wayimirira na mawoko ghake pa iwe.

¹⁶² Mlongosi mufipa uyu wakutemweka apa, wasindama pa guwa. Iwe panji ukarya vikondamoyo na nkhowe, panji iwe ukakhala mu malo ghafinyi, pakuti vyose ine nkhumanya, mlongosi. Chiuta watumbike mtima wako, kuli nyumba yaufumu yanozgekera iwe mu Uchindami mlenji uwu. Mbunenesko.

¹⁶³ Laâwiskani pasi pa guwa ndipo wonani dona, sisi likuzgoka lanyivwi, mwanakazi mwanichi na mutu wake wasindama, mwanakazi wa sisi-lakhonje-lanyivwi. O Chiuta! Wonani mwanarumi wagwada, âwakupambanapambana kudera uku. Rapani waka, muphalireni Iyo kuti imwe mwananga. Muphalireni imwe kuti imwe ntha muzamuchitaso iyo

munthowa yiriyose. Mwa wezi Wake, imwe muzomerezgenge waka kusemphana kwinu kose kumare, kufumira muhanyauno na kunthazi. Imwe mukukhumba kuwa wakufwasa na wachete. Imwe mukukhumba kuwa wakujkhizga na kuruta uko Iyo wakumurongozgerani imwe.

¹⁶⁴ Para wantru wakuyowoya chinyake, palije kanthu kwali ichi chikuwoneka chaunenesko uli, iwe utayenge maufulu ghako kuti uyowoyenge za muzengezgani wako. Iwe uyowoyenge, iwe uyowoye za Yesu. Iwe uchitenge waka chinthu icho ntchakwenerera. Iwe ntha ukuruta ngati wakukoma. Iwe ntha usosomorenge wambura chifukwa. Kweni iwe ukuwona seŵero likuru lira la chikanga cha Wakristu weneke, ndipo iwe ukukhumba kuwa ngati iwo. Iwe ntha ukwenera kuphalira waliyose kuti iwe ndiwe Mukhristu, usange iwe ndiwe yumoza, iwo wakuchiwona waka ichi ndipo wakuchimanya ichi apo iwe ukuyowoya. Iwe uli kudidimizgika mkatni kuwaro.

¹⁶⁵ Sono, apo imwe mukukhizga mtima winu, rapani sono. Muphalireni Chiuta, imwe "mwananga," imwe "ntha muzamuchitaso ichi munthowa yiriyose," imwe mukuchita "soni" pa imwemwekha, umo imwe mwachitira. Ndipo ntheura ine ndimurombereninge imwe. Ndipo ine nkugomezga, nkhanira penepano, mtende ukhazikikenge waka pa mtima winu, mtende waka ngati mronga kusefukiranga ku uzima winu. Imwe panji ntha muchemerezgenge, imwe panji ntha tuyowoyenge malilime, imwe panji ntha mudukirenge muchanya-na-pasi; kweni imwe mufumenge pa guwa na Chinyake mwa imwe, Chinyake mwa imwe icho chimukhözgereninge imwe ku mphinjika yakale yakukhora malinga imwe muli wamoyo. Sono rombani, apo ine nkuchita. Zomerezgani.

¹⁶⁶ Wadada ñithu Wakuchanya. Vilengiwa vyambura kwenerera, chakotcha ichi, chipinda chakotcha mlenji uwu, malo ghakotcha; kweni, Chiuta, Imwe mukasuzgikira ichi ise. Mzimu Mutuwa wakiza, wakakhoramweska wantru kuti iwo wakananga. Iwo wakananganga. Mizimu yawo yikawa ya mtafu. Iwo wakazgoka warwani, wätimbanizgi, kumanya vyose, ntha wakukhumba kurapa, ntha wakunozgeka kuwagowokera wantru awo wâwachitira vinthu kwimikana na iwo. Iwo ntha wakakhumba kuchita, kweni muhanyauno Mzimu Mutuwa wakatora Mazgu gha Chiuta, wakañika Ichi nkhanira mu mitima yawo yakufwasa, ndipo wakati, "Sono kasi iwe ukukhumba kuti uwerereso uko iwe ukawa pa nyengo yakudanga apo iwe ukafikira ku guwa, kuwereraso uko waliyose, iwe ukumutemwa waliyose, ndipo iwe ukunditemwa Ine na chitemwa chambura kufwa? Ntheura yimirira waka ndipo zanga ku guwa." Iwo wakachita ichi, Fumu.

¹⁶⁷ Sono, ine nkhuromba sono kuti Imwe mutuwiske maghanogħano ghawo, Fumu, tuwiskani mitima yawo,

ŵapangeni iwo ŵakufwasa na ŵamtende. Mphanyi iwo ŵanyamuke kufuma pa guwa ili sono, pamanyuma pakuti iwo ŵarapa, kuperekanga maumoyo ghawo kwa Imwe, ŵarute ku nyumba zawo. Palije kanthu kwali kwachitika vichi, usange mfumu watimbanizgika chomene, panji muwoli watimbanizgika, panji muzengezgani watimbanizgika, panji munyake uyo iwe ukugwira nayo ntchito panji ukuchezga nayo, “ine ndiŵenye waka wakufwasa ngati nkunda.”

¹⁶⁸ Nakwenenako, kuwezgera nduzga Kwinu nkhwā Imwe, “Ine ndiwezgerenge, yikuti Fumu.” Umo ise tiri kusangira icho kuŵa ntheura, Fumu. Yimirirani waka mwangungangamika, fwasani, wonani Chiuta wakutora... jikhizgirani nkhanira ku mwānamberere Wake. Inya, nadi. Mliska muweme uyu wakupereka Umoyo Wake kwa iwo, Iyo wakwiza nkhanira ku mberere Zake. Ndipo Iyo wazirongozgenge izo. Soka kwa mweneuyo wakuŵatimbanizga iwo! Soka kwa mweneuyo wakuyowoya lizgu limoza kwimikana na iwo! Wakati, “Ichi chikati chiŵenye chiweme kuti libwe likakakika ku singo lake, na kuponyeka pasi pa nyanja. Ŵangelo Ŵake nyengo zose ŵakulaŵiska chisko cha Wadada Ŵane awo ŵali Kuchanya.” Mukuwona? O Chiuta, ise tikukhumba... “Umo imwe mukuchitira kwa iwo, imwe mukuchita kwa Ine.”

¹⁶⁹ Ntheura, Chiuta, ine nkukhumba kuti ndiŵe wakufwasa. Ine nkhujiŵika ndamwene pa guwa, naneso, mlenji uwu; ntha mlenji uwu, kweni mlenji uliwose na zuŵa lirilose. Ine nkukhumba kuŵa wachete na wakufwasa, ndipo ngati Yesu. Perekani ichi, Ŵadada. Tivwireni ise kuti tiŵe ntheura sono, zomerezgani milengalenga yambura umaliro ya chitemwa yifike pa uzima withu.

Mtende! Mtende! Mtende wakuziziswa,
 Kwikhangā kufuma ku Ŵadada kuchanya;
 (Kasi imwe mukuwupulika chara Uwu mu
 mtima winu?)
 ...pa mzimu wane muyirayira, (Haleluya
 Haleluya!)...

Mtende! Mtende! Ngwakuziziswa...

¹⁷⁰ Mlongosi Gertie wakati phalirani mpingo wose kuti iyo ngwakususkika, nayoso, kweni iyo wakupanga piyano kuŵa guwa lake. Kufuma pa guwa, piyano ndi guwa lake, wakati, “Phalirani mpingo kuti undirombere ine,” apo iyo wakhala uko ndipo masozi ghakukhirira mu magalasi ghake. Gome ili ndi guwa lane. Ine ndarapa, naneso, Baibolo lane lazumbwa. O Chiuta!

Mtende! (Mtende wa Chiuta.)
 Kwikhangā kufuma ku Ŵadada kuchanya; (O,
 haleluya!)
 ...pa mzimu wane muyirayira...

¹⁷¹ Chiuta, usange ine ndamwanangira munyake waliyose, ndamunangirani Imwe, fumiskaniko ichi, Fumu. Fumiskaniko kwananga ku mpingo wane uchoko, mlenji uwu.

¹⁷² Kasi mbalinga wakumanya kupulika kuti Chiuta wamugowokerani imwe, ndipo Nkhunda ya Mtende yakhalaso pa mtima winu? Iyi yafikaso waka sono, yatora malo Ghake. Mzimu Mutuwā wafikaso waka ndipo wakati, "Mwana Wane, Ine ndakhala nkhukhumba iwe nyengo yose. Iwe ntha ukandizomerezga waka Ine kuchita ichi. Ine ningakhala chara pamoza na mzimu wako wakale waузukusi. Kweni sono pakuti iwe wachipereka ichi, Ine ndafikaso ku mtima wako mlenji uwu." Kasi mbalinga wakupulika mwantheura umo? Kwezgani muchanya woko linu. Kwezgani muchanya woko linu, icho ntchiweme, palipose pa guwa. O, icho ntchiweme. Kasi mbalinga kuwaro mu gulu wakupulika mwantheura umo? Kwezgani muchanya woko linu. O! (*Kuti Ndiwe Ngati Yesu.*)

¹⁷³ Wadada withu Wakuchanya, ise tikumuwongani Imwe chifukwa cha nyengo iyi yakuphweka, kujipereka, ngati kutora apulo mu woko, kulikamata ili, kuliphwanya ili, mpaka ili lizgoke lakufewa, lakufewa chomene mwakuti mwana muchoko wangamanya kukhala pasi na kurya ili. Umo ndimo ise tikukhumbira mitima yithu, Fumu. Utorereni uwu mu woko Linu la mabamba gha mizumali, uphwanyemi waka uwu, yowoyani, "Wamwana, kasi iwe ukuwona chara kuti iwe wandipweteka Ine? Iwe ukandipwetekanga Ine para iwe ukalalatanga pa chakuchitika ngati chira. Iwe ukandipwetekanga Ine, o, mtima Wane ukakuchitira chitima iwe, wamwana, para Ine nkhakuwona iwe ukuchita vinthu *vyakuti-na-vyakuti*. Kweni sono kuti Ine ndiri na mtima wako mu woko Lane, Ine nkhukhumba kuti ndiwupange uwu wakuzika mwakukwanira. Ine nkhukhumba kuti ndiwupange ntheura mwakuti Ine ningamanya kuwugwiriska ntchito uwu na kukhala mwa uwu. Ine nkhukhumba kuti ndiwurukireso ku chivwimbo mlenji uwu, ine nkhukhumba kuti ndiwererekoso na kukakhala, kupanga chikhazi Chane na iwe." Perekani ichi, Chiuta. Ise tikumutemwani Imwe. Perekani ichi, ku uchindami Winu. Ise tikuromba mu Zina la Yesu.

Kuŵa ngati Yesu, kuŵa . . .

Kasi imwe mukutemwa chara kusopanga waka ngati ntheura? O, uzima wane ukusekerera waka!

Pa charu chapasi Ine . . .

Kumuwona Iyo wakukhirira mu a-wakusopa ngati aŵa, mtima winu ukupulika wakufwasa chomene? Mtima wane ukutchaya waka mwaluwîro.

. . . ulendo kufuma pa charu kuruta ku
Uchindami
Ine nkhuromba waka kuŵa ngati Iyo.

Uli imwe mukwezge mawoko ghinu apo ise tikwimba iyi?

Kuŵa ngati Yesu, kuŵa . . .

Joe, iwe ukukhumba kuti ufiike na kupemphera mlenji uwu, m'bale? Chiuta wakutumbike iwe. Jisangire malo iwe apa pa guwa, M'bale Joe. Chiuta wakutumbike iwe . . . ? . . .

. . . ulendo kufuma pa charu kuruta ku
Uchindami
Ine nkhuromba waka kuŵa ngati Iyo.

¹⁷⁴ Ine nkhumanya kwawotcha, mubwezi. Ine nkhumanya kuli ntneura. Kweni ine—ine nkhugomezga imwe mukupulika umo ine nkhuchitira. O, ine nkupulika waka ngati kuti ine ningawuruka waka kuruta. Umo Iyo waliri wakutemwa! Kasi ine ningachita vichi? Kasi ine ningaruta nkhu? O Chiuta! Kasi ine nkhuyankhu? Kasi ine ndarazga nkhu? Kasi uku kwamkuŵa—kwamkuŵa uli? Kasi ine ndizamkuŵankhu virimika handiredi kufuma sono? Uli usange ine ntha nkhaŵenge na Iyo? Kasi, kasi kulinkhu kunyake kwakuthâŵirako?

Kufuma m'chakuryeramo viŵeto mu
Bethlehem mukababika Mlendo,
Pa charu chapasi ine nkukhumba kuŵa ngati
Iyo;
Ulendo wose waumoyo kufuma ku charu
kuruta ku Uchindami
Ine nkhuromba waka kuŵa ngati Iyo.

Tose pamoza sono.

Kuŵa ngati Yesu . . . (Warumbike Chiuta! Inya,
Fumu! Inya, Fumu! Ntha charu; ngati Imwe!)
. . . kuŵa ngati Iyo;
Ulendo wose waumoyo kufuma ku charu
kuruta ku Uchindami
Ine nkhuromba waka . . . ? . . .

¹⁷⁵ Apo imwe muli na mitu yinu yakusindama, ine ndimufumbeninge chinyake imwe. Munyake muno wakukwenyerezga Mzimu Mutuŵa. Munyake wachemeka. Ine nkhuyowoya mu Zina la Fumu Yesu, ngati muprofeti Wake. Ine nkhumanya kuwupulika mtima Wake wapwetekka. Kuwaro mkatı uko, munyake wakaleka kumupulikira Iyo, wakwenera kuti wafike. Kasi iwe ufikenge chara sono?

Ulendo wose waumoyo kufuma . . .

Inya, mlongosi, kweni pali âwanandi kuruska iwe.

. . . Uchindami
Ine nkhuromba waka kuŵa ngati Iyo.

Kuŵa waka ngati Yesu... (Ndiko kwekha
kukhumba kwane, wakuzika na wakufwasa,
wakujikhizga, kuŵa ngati Iyo.)
Pa charu Ine...

Kasi imwe mufikenge chara sono? Chiuta wakukhumba
kuti wamuwoneni imwe mukuchitapo kanthu, pali ŵanandi
ŵa imwe.

Ulendo wose...

¹⁷⁶ Ine nangumanya iwe ufikenge. Chiuta wakutumbike iwe.
Chiuta wakutumbike iwe. Chiuta wakutumbike iwe. Ndicho
ichi. Ndicho ichi. Ine nangulawiska kudera ku gulu ili, ndipo
muzgezge ufipa wakofya chomene kulenderanga uko uwo ine
nkhawuwonapo. Mzimu Mutuŵa wali muno sono. Uwu uli pa ine
sono nthena. "Kukwenyerezganga Mzimu Mutuŵa."

Kuŵa ngati Yesu...

¹⁷⁷ Kasi Iyo wakachita vichi? Wakaruta uko Ŵadada
ŵakamurongozgera. Chiuta wakutumbike iwe, m'bale. Chiuta
wakutumbike iwe, m'bale wane. Uwo mbunenesko, zanga
nkhanira kumtunda kuno ndipo gwada pasi.

Pa charu ine nkukhumba...

¹⁷⁸ Sono ndi nyengo ya kuvumbura kwananga kwa nyengo-
yakale, kuŵikanga mu dongosolo, kunozga ichi. Zanine.
Nkhuwona ndithu muli ŵanandi mula. Chiuta wakutumbike
iwe, dona. Chiuta wakutumbike iwe, dona. Chiuta wakutumbike
iwe. Chiuta wakutumbike iwe. Chiuta wakutumbike iwe. Uwo
mbunenesko. Mzimu Mutuŵa nyengo zose ndi muneneska.
Zanine. Uwo mbunenesko, sunthani.

...Iyo.

Kuŵa ngati Yesu, kuŵa ngati Yesu,
Pa charu ine...

O, mwe, uwo mbunenesko! Ndiko kachitiro ako, zurani waka
mu mipata, sunthani ndipo rombani.

Ulendo wose waumoyo kufuma pa charu
kuruta ku Uchindami,

Rapani waka, muphalireni Chiuta imwe mwananga, ndicho
chehka imwe mukwenera kuchita.

...kuŵa ngati Iyo.

¹⁷⁹ Kasi imwe murutirirenge chara kwizanga sono?

Kuti...

Uwo mbunenesko, jikhizgeni waka, zanine kuno.

...kuŵa ngati...

¹⁸⁰ Kasi imwe muchitenge vichi? Kasi ndinjani
wazamkumuyimirani imwe, panyake usiku uwu? Kasi ndinjani
wazamkumuyimirani imwe para nyifwa yafika pa imwe? Palije

kanthu kwali imwe mwachita vichi, Mzimu Mutuŵa wakhala nkhanira uko kufupi na imwe. Uyo ndi Iyo wakukhumba imwe kuti mufike.

Ulendo wose waumoyo kufuma ku charu
kuruta ku Uchindami

¹⁸¹ Rapani waka, yowoyani, “Chiuta, ine ndananga. Ine—ine nangukhumba chara kuchita icho. Imwe nthā muzamkundiymira ine usange ine nthā nkhumuyimirani Imwe sono. Ndipo ine nkhumuyimirani Imwe kufuma muhanyauno na kunthazi. Ine ndikhalenge umoyo ngati ndiumo Mukhristu wakwenera kukhalira. Ine ndisinthenge nthowa zane. Ine ndiŵenye wakufwasa na wachete. Ine ndimulekenge walijose wachite kuyowoya kwawo, chirichose. Ine ndikhalenge waka umoyo wakuzika na wachete panthazi Pinu.” Palije kanthu kwali iwe ukuyowoya kalinga kuti ndiwe Mukhristu, mpingo uwo iwe ulimo, icho chirije kanthu kakuchita na ichi. Zanga waka. Chiuta wakutumbike iwe. Sunthira nkhanira kuno, wamwana.

¹⁸² Chiuta wakuyowoya kwa iwe sono. Usange iwe ukundigomezga ine kuŵa muteweti Wake, Mzimu Mutuŵa wanguyowoya kwa ine mlenji uwu, wanguti, “Panga ntchemo yira, kuli ūwanandi kusika kula.” Zuŵa ndi ili, nyengo ndi iyi. Kuli pafupifupi fayivi panji ūanyaké sikisi kunyuma kula, ūakwenera kuti ūwafike nadi sono. Kumbukira, m’bale, mlongosi, ine nkhułuwiska nkhanira kwa iwe, ine nkhuwona mizgezge yifipa iyo yalendera pa iwe. Ntchiweme iwe ufike sono nthenha.

¹⁸³ Kuŵa ngati Yesu! Kasi imwe mukukhumba chara kuŵa ngati Iyo, wakufwasa, wachete, wakuzika, wakujikhizga? Chiuta wakutumbike iwe, mwanarumi wachinyamata. Chiuta wakutumbike iwe, dada uli na mwana. Chiuta wakutumbike iwe, mlongosi. Chiuta wakutumbike iwe, mubwezi wakwananga. Uwo mbunenesko. Sunthira nkhanira kumtunda, mlongosi, zanga nkhanira kunthazi, jisangire waka wamwene malo. Chiuta wakutumbike iwe.

¹⁸⁴ Mlongosi wakutemweka, iwe uli navyo vinandi vyakuti umuwongere. Wagona wakukakika mu bedi, ukafwanga, apa iwe ukwenda, kwiza ku guwa. Chiuta watumbike mtima wako wakujikhizga.

¹⁸⁵ Mzimu Mutuŵa wakuyowyaso sono. Kurapa, lira waka kwa Chiuta, pemphera waka mu lurombo lwako. Iwe ndiwe wananga, sono iwe ndiwe ukwenera kuti upemphera. Muphalire Chiuta kuti iwe wananga pa icho iwe wachita. Ntha ungaŵikanga tcheru kwa awo ūakuzungulira iwe. Yowoya waka, “Chiuta, mundigowokere ine, ine nthā nkhang’anamura kuŵa icho. Ine nkhumuyimirani Imwe kufuma muhanyauno na kunthazi. Ine ndikhalenge umoyo ngati ndiumo Mukhristu wakwenera kukhalira. Ine ndisinthenge nthowa zane. Ine ndimulekenge walijose wachite kuyowoya kwawo, chirichose. Ine ndikhalenge waka umoyo wakuzika na wachete panthazi Pinu.” Palije kanthu kwali iwe ukuyowoya kalinga kuti ndiwe Mukhristu, mpingo uwo iwe ulimo, icho chirije kanthu kakuchita na ichi. Zanga waka. Chiuta wakutumbike iwe. Sunthira nkhanira kuno, wamwana.

ndizamkumukwenyerezgani na kupanga mukangano munthowa yiriyose.”

¹⁸⁶ O Chiuta, o, umo ine nkuchitemwera ichi! Wadada Wakuchanya, pa waliyose wakurapa pasi pa guwa sono, wagwada pa makongono ghawo, wakuomba! O Chiuta, mphanyi wamama, wadada, wana, wadada, wamama, wanyake wose, wazengezgani, mamembara gha mpingo, madikoni, mathrastii, O Chiuta, pa nyengo iyi ya kawumbiro ka machitiro ghakale, wakhala mu chipinda chakotcha ichi mlenji uwu, Mzimu Mutuwa kwizanga nkhanira pasi, kuyowoyanga mtende. O Chiuta, ine nkukhumba kuzakayimirira zuwa lira kumupulikani Imwe mukuyowoya, mwakufwasa, “Inya, iwe ukanyamuka ndipo ukandiyimira Ine, sono Ine ndikuyimirengwe iwe.” Ine nkukhumba kuti Imwe muwike mtende ula mu mtima uliwose uwo uli muno muhanyauno, Chiuta. Mwakachetechete na mwakufwasa, ine nkukhumba kuti Imwe muchite ichi. Ine nkukhumba waka kuti Imwe muyende mwenemula na kapulikiro kakuti aka ntha kazamkuwaleka iwo munthowa yiriyose, kufuma zuwa ili na kunthazi. Mphanyi nyumba zanguwa ziphya. Mphanyi wantru wanguwa wantru waphya. Mphanyi chirichose chizgoke chiphya muhanyauno, chifukwa wantru awa wajikhizga iwowene. Imwe mukati, “Usange wantru awo wakuchemeka na Zina Lane wajiyuyurenge iwowene, na kuromba, ntheura Ine ndipulikenge kufuma Kuchanya.” Ndipo ine nkhumanya Imwe mukuchita, mlenji uwu, Chiuta.

¹⁸⁷ Ndipo ine nkhuromba chigowokero pa iwo weneawo wangukhalira mu mipando yawo, awo wanguyenera kuti nthena wangwiza. Chiuta, yowoyani kwa iwo, ndipo mphanyi iwo waleke kuwa na mtende munthowa yiriyose pa charu chapasi mpaka iwo wapange chigamuro chira, Fumu, kuti wafike na kuti wanozgeke na Imwe. Perekani ichi, Fumu. Tumbikani waliyose sono. Mphanyi chisungusungu Chinu na lusungu Lwinu vikhale pa uzima uliwose uwo ngwakurapa ndipo wasindama mu tchalitchi ili mlenji uwu.

¹⁸⁸ Wadada, Chiuta, ine ndachita ichi pa kulangura Kwinu. Ine ndawachema wantru awa; iwo wayimirira. Imwe mukati, “Iyo uyo wazamkundichitira ukaboni Ine panthazi pa wantru, mweneuyo Ine ndizamkumuchitira ukaboni iyo panthazi pa Wadada Wane na Wangelo watuwa.” Wanandi wa awa muno wali kuwa Wakhristu pa virimika vinandi, kweni iwo wayimirira mlenji uwu kuchitira ukaboni zakwananga zavo kuti iwo wakananga. Iwo wazgoka wambura kutemweka. Mzimu Mutuwa wakafumapo pa iwo. Ndipo nyengo zinandi kuti iwo ntha wakukapulika kapulikiro ka kufwasa, kakunowa, kakuzika ako iwo wakwenera kupulika. Wanandi wa iwo ndi wakwananga awo wafika pa nyengo yawo yakudanga. Kwensi, Wadada, iwo wakukhumba kapulikiro kaweme kala, mtende

uko ukujumpha kapulikiskiro kose. Perekani ichi kwa iwo zuwa ili, Fumu Chiuta, ndipo mphanyi iwo wose pamoza waâwe âwakutemwa na âwakuzura na Mzimu Winu, apo iwo âwakuruta kufuma pa malo agha muhanyauno, kuruta ku nyumba zavo zakupambanapambana, kuti âwakakhale umoyo wakulekana na kuti âwakaâwe âwanthu âwakulekana. Ise tikuromba ichi mu Zina la Khristu.

¹⁸⁹ *Malo Pa Mbwiwi.* Viri makora, imwe mwaâweneimwe muli pa guwa, yimirirani, laâwiskani kuchanya kwa Fumu Chiuta, ng'anamukani ndipo koraniko chasa kwa waliyose wamuzungulirani imwe. O, ise tiyimbenge, waliyose sono, apo ise tikuyimirira pa kanyengo waka pambere undayambe uteweti wa machirisko.

Malo, malo, inya, ghaliko malo,
Ghaliko malo pa Mbwiwi gha iwe;
Malo, malo, inya, ghaliko malo,
Ghaliko malo pa Mbwiwi gha iwe.

O, waliyose!

...malo, inya, ghaliko malo,
Ghaliko malo pa Mbwiwi gha iwe;
O, malo, malo, inya, ghaliko malo,
Ghaliko malo pa Mbwiwi gha iwe.

O, malo, malo, inya, ghaliko malo!

¹⁹⁰ [Pa tepi palije kalikose—Munozgi] ...?...chipulikano! Iwe ukumanya zuwa linyake, m'bale, para wako—muwoli wako wakiza, kuti ndizakarombere iwe? Nkharuta nkhanira mu chipinda, ndipo Mzimu Mutuâwa wakati kwa ine, “Kuchita wofi chara.” Amen. Kasi Iyo ndi weniweni chara? Ngwakuziziswa! Inya, rumbani Fumu! Ine nkhuwona ngati ningachemerezga kutonda! Viri makora.

Ndipo Ndopa Zake zikuchapa mbe...

(Uli na chinyake chakuti uyowoye?)

(Yesu wakuponoska!)...?...

¹⁹¹ Viri makora, M'bale Neville sono. Ndipo M'bale Slaughter wali na lizgu lakuti wayowoye.

[M'bale Slaughter wakuyowoya. Pa tepi palije kalikose—Munozgi]

¹⁹² [M'bale Neville wakuti, “Mwe! Wongani Fumu! Amen! Warumbike Chiuta! Ine nkugomezga waliyose wapokera mlenji uwu.”—Munozgi] Uchindami! Haleluya! Haleluya! [“Waliyose wakuwoneka ngati kuti ise tikugomezga Chiuta sono, Haleluya! Mukulipulika thumbiko liweme ili na kuphakazga pachanya apa pa gome, mukupulika ngati Petros, uyo, wakaâwavye uzukusi...?...tizenge âwakachisi âwataku, ndipo tikhalarire penepano. Amen. Ichi ntchiweme. Waliyose wapokera.”]

¹⁹³ [“Sono waliyose tiyimilire pa marundi ghithu. Amen. Kumbukirani visopo usiku uwu, ise tiri na kuchapana-marundi na chisopo cha monesko. (Imwe mukumanya kwali imwe muzamkuwa kusika?)”] Ine mwakusimikizga nditiwengepo kuno usiku uwu, naneso. [“Mwakusimikizga nditiwengepo usiku uwu.”] Inya, umo ine nkhumanyira, ine ndiwenge kuno, pekhapekha ine ndachemekera kumalo kunyake. [“Amen.”] 

MPINGO NA KAWIRO KAKE CTK56-0805
(The Church And Its Condition)
MNDANDANDA WA MAUTHENGA PA TCHALITCHI

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata mlenji, Ogasiti 5, 1956, pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugawika na Voice Of God Recordings.

CHITUMBUKA

©2020 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuŵa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyeroy vinyakhe, panji kuligwiriska ntchito pa kupempheskera ndalamu kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org